

光緒山西通志

府州廳縣考六 考一之六 山西通志弟二十八

賜進士出身頭品頂戴都察院兼都察院右副都御史巡撫山西提督軍務

旨監修

雁平道一

大同府 朔平府

分守雁平道治所在代州

轄府三 大同府 朔平府 甯武府

直隸州三 忻州 代州 保德州

州三縣二十

大同府 要缺 銜繁雜

鎮守大同等處總兵官駐府城

禹貢冀州之域商周並同太原春秋為北翟所居戰國初為

代國後併入趙秦雁門代二郡地漢高帝六年以雲中雁門代郡五十三縣爲代王國十一年代遷晉陽復置郡爲雁門之繁時汪陶劇陽崞平城五縣代郡之道人高柳班氏延陵犂氏平邑陽原參合平舒靈邱十縣地其代郡西部都尉治高柳在今府境雁門郡東部都尉治平城則今府治也武帝元封五年初置部刺史以雁門屬并州代郡屬幽州後漢因之建武中盧芳之亂沿邊八郡並廢徙雁門代郡之民於常山關居庸關東二十七年復置郡自善無移雁門郡治陰館縣仍屬其代郡則省延陵陽原參合靈邱領十一縣治高柳建安中省幽并入冀州省雲中定襄五郡立新興郡於太原界郡爲一縣隸之而別置平城縣於句注陘南往屬焉晉仍置幽并二州平城還隸雁門郡而其時郡已徙治廣武非今

代郡元和志魏黃初元年徙雁門郡治廣武在今代州西二十里代郡領四縣徙治代縣

其在今府境者亦止平舒一縣永嘉四年劉琨表封猗盧爲

代公從琨求句注陜北之地遷繁峙崞及馬邑樓煩陰館五

縣之民於陜南以地歸之自是平城亦名爲代其後石趙慕

容苻秦皆嘗經營而地卒入於北魏道武帝天興元年自雲

中定都平城爲代都制定京邑爲畿內田東至上谷軍都關

西至河南至中山隘門塞北至五原地方千里以爲甸服置

司州及代尹延和元年改代尹爲萬年尹尋復元和志謂孝

牧置代尹誤茲據魏志其食貨志所云太和十九年遷都洛

畿內四至不如元和志之詳茲從之

邑改爲恆州領代郡桑乾繁峙靈邱諸郡案此四郡並見魏

置地形志恆州凡八郡惟高柳爲永熙中置餘皆天平二年

置存善無梁城附化北靈邱及繁峙諸郡而無桑乾則據亂

後僑治之籍實多孝昌中廢天平二年復置恆州並所屬之

舊郡不盡新置也

八郡寄治肆州秀容郡城齊天保六年於故恆州置恆安鎮徙豪傑三千家實之其年改鎮爲北恆州領安遠臨塞威遠臨陽四郡所謂東州城也周建德六年復爲恆安鎮隸北朔州總管府郡並廢隋以其地屬代朔二州各置總管府而皆不治此大業初府廢罷州置郡爲馬邑雁門二郡地唐雲蔚二州並隸河東道雲州爲下都督府武德四年平劉武周於馬邑郡雲內縣之恆安鎮復置北恆州六年於雁門郡之靈邱別置蔚州七年北恆州廢蔚州亦南徙貞觀五年破突厥蔚州復故治十四年自朔州北定襄故城徙雲州定襄縣於此爲雲州治永淳元年爲獸曠所破徙民朔州開元十八年復置改定襄爲雲中縣治焉

案雲中之稱至是始定與秦漢之雲中郡無涉天寶元

年改雲州曰雲中郡蔚州曰安邊郡乾元二年復爲雲州治

雲中縣如故而蔚州則徙治興唐縣以靈邱往屬會昌三年

更雲代蔚諸州爲大同道

率大同之名始此

罷屬河東置都團練使

治雲中乾符三年升大同軍節度使中和二年改雁門節度
四年復隸河東道後唐同光二年仍以雲州爲大同節度使
天成元年又於應州置彰國軍節度使遼始析雲中置長青
天成懷仁奉義宣德諸縣重熙十三年升州爲西京府曰大
同十七年析雲中置大同縣治之凡領州二縣七宋宣和三
年得府地並山後九州置雲中府路尋入於金復爲西京大
同府皇統元年以西京路及山後部族隸元帥府置兵馬都
部署司天德二年置總管府後更置留守司又置轉運司及
中都西京路提刑司統州八府二元初爲西京太祖七年置
警巡院至元二十五年改大同路領錄事司一州八縣五隸

河東山西道宣慰司復得上都路之地明改大同府領州四縣七隸山西承宣布政使司洪武四年置大同都衛治白羊城八年改山西行都指揮使司二十五年徙治大同府初領衛二十六後領大同前後左右陽和天成威遠平魯雲川玉林鎮魯高山宣德東勝十四衛宣德東勝二衛後廢別有朔州衛治州城安東中屯衛寄治應州二十九年置分守冀北道永樂六年置巡撫都御史七年置鎮守總兵官其後移宣大總督駐陽和衛又置分巡兵備道駐府及衛

國朝順治五年移治陽高衛日陽和府八年遷治大同十三年裁宣大總督置山西總督駐府城康熙四年裁總督其守巡諸道以次皆裁併入雁平道雍正四年於右玉林衛置朔平府改左雲川衛平魯衛皆爲縣並析朔州及所屬之馬邑

隸之又改陽高天鎮二衛各爲縣仍隸府六年以蔚州改隸直隸宣化府而所屬之三縣仍隸府十年改廣昌縣隸直隸易州十三年以得勝口外新設之豐川衛鎮甯所隸府乾隆十五年併爲豐鎮廳以分駐陽高之通判移駐焉三十三年改理事同知光緒十年改撫民同知廳隸歸綏道於是大同府領州二縣七

大同 懷仁 渾源州 應州 山陰 陽高 天鎮
廣靈 靈邱

謹案秦置雲中雁門代郡三郡雲中在西北雁門在西南代郡在東南而皆在陜嶺之北今雁門關是也漢置定襄郡在雲中之南雁門之北今之大朔甯三府適居陜北舊志於各州縣沿革較他屬尤爲疏舛

今皆據水經注詳加稽考略舉大概三郡雁門最南皆在今三府之境大同東兼得代郡之大半朔平西惟平留甯武北惟偏關皆得定襄之西南境而皆無雲中之地雲中自托克托城以北皆是南則定襄之境至大朔二府北界而止大抵二郡皆在殺虎口外雁門則在雁門關之外殺虎口之內代郡在雁門之東半在直隸宣化各屬尙有在邊牆之外及略出陘南者雁門則無之後漢省併各縣定襄成樂武進改屬而雲中南至口外善無改治而定襄南徙口內原平廣武改屬而雁門移出陘南又與前時不同矣此其大較也舊志旣誤而各府州縣志更復踵襲諛謬往往指爲雲中郡定襄郡云云不惟南北失次且有

將河西漢縣目及大同屬者蓋自魏地形志據武定

之新籍述天興之舊都

魏收漢志以郿都冠首大恆州於甘州之後入洛陽於大

卷之中是齊志非魏志也而恆州入郡皆疏略遼史地理志以近代析置之州縣亂邊郡久定之城邑

志既以

大同爲

漢雲中道以雲中之沙南陶林二縣在懷仁米義以天咸當新興之廣牧而謂爲後魏道武所置以廣靈當代郡之延陵而謂爲後唐同光所析又長青爲白登臺深應二州及河陰皆爲陰館故地白雲邱縣外無一明一統志無能遠徵直襲遼志至尹氏兩鎮三

關志出各州縣志競相取材尹本文士持其雄辨每

足眩人所著四郡代國代郡諸考後來奉爲定論

其四郡考謂大同兼雲中定襄九原代郡之境而不言雁

門代郡考謂魏晉以前史凡言代郡者皆在蔚州代

因考辨謬差少然於近儒閔百今一一爲之正定卽

詩所云代有七遷者亦不知也

三通二志及方輿紀要乾隆諸志所未合者亦不爲

苟同焉

府城 明洪武五年大將軍徐達因舊土城增築周十三里
高四丈二尺甃以甃石門四東曰和陽南曰永泰西曰清遠
北曰武定上各建樓角樓四敵樓五十四窩鋪九十六西半
屬前衛東半屬後衛西北樓益宏壯曰乾樓景泰間於城北
築小城周六里高三丈八尺門三天順間續築東小城南小
城各周五里池深一丈五尺各三門嘉靖三十九年加高南
小城八尺隆慶間增高一丈增厚八尺甃以甃建門樓各四
萬曆中卽南小城北樓改建文昌閣二十八年甃女牆三
十三年重修

國朝順治五年移鎮陽和大同廢不立官八年總督佟養量
巡按陳偉疏請復移大同嗣是隨時繕治乾隆中大同初縣

朝廷俞宋乾金先後修南北小城及大城垣堞馬道吊橋
縣吳麟繼修乾樓及南城樓北甕城道光五年知縣黎中時
咸豐三年知縣吳承曾又修

府境 在省治北六百二十里

東西廣二百五十里南北袤二百四十里

東至直隸宣化府懷安縣界枳兒嶺二百十里 西至朔平
府左雲縣界五十里 南至代州繁峙縣界一百六十里
北至得勝堡口外邊牆八十里 東南到直隸蔚州界二百
五十里 西南到朔平府左雲縣界一百二十里 東北到
宣化府懷安縣界二百里 西北到朔平府左雲縣界五十
里 自府治至

京師七百二十里

大同縣

要領
衝繁雜

漢雁門郡平城縣東部都尉治

莽曰平順

兼秦代郡班氏縣地後

漢末班氏廢平城南徙隸新興郡晉封猗盧爲代王以故平

城爲別都後魏道帝始徙都焉以縣爲司州代尹治孝文南

遷改司州爲恆州代尹爲代郡平城縣如故天平二年僑治

代郡於秀容郡城分置太平縣並隸焉齊天保七年於故代

都置恆安鎮尋改北恆州又移太平縣來治故都之西後周

復改州爲鎮改太平爲雲中與鎮並隸朔州

此縣稱雲中
隋開

隋開

皇初改雲中縣曰雲內鎮如故大業二年罷朔州爲馬邑郡

縣屬如故唐武德四年復於故恆安鎮置北恆州七年廢貞

觀十四年於故雲內縣置定襄縣永淳元年廢開元十八年

復置縣更名雲中隸雲州爲州治而名廢北恆州爲東州城

後唐爲雲州大同軍治遼開泰八年析縣之西北境置德州
宣德縣又析東北境置奉義縣重熙十三年升大同軍爲西
京置大同府十七年析雲中縣置大同縣爲府治此縣名大
金省奉義爲鎮入大同大定八年改宣德縣曰宣甯與大同
雲中同隸大同府元大同中宣甯下隸大同路至元二年
省雲中縣入大同明仍爲大同府治省宣甯縣入焉

國朝因之順治五年移治西安堡九年復還倚郭編戶舊三
十六里今一十四里

漢志代郡班氏秦地圖書班氏莽曰班副

案志引書必有說解或文字不

同此縣秦漢皆爲班氏殊贅疑秦地圖書作班氏故引之

以存異文傳寫脫其一畫遂無分別獨賴以知爲秦故縣

而十三州志班氏縣在郡西南百里俗謂之去留城也
已案郡謂代郡也東漢代郡治高柳爲今陽高此縣在其西
南若今府城北魏以前未嘗爲郡且水經注如渾水經班

氏縣東又東南流注於灤水今御河入桑乾處在府東南五十五里此縣更在御河之西則去府城尤近方志以後魏之疆域徵漢郡之故縣宜其不合也

太平記漢末大亂匈奴侵邊自定

襄以西雲中雁門西河遂空曹公鳩集散亡又立平城縣

屬新興郡晉又改屬雁門寰宇記故平城縣城後漢末立

理陰館漢末其地荒廢魏文帝移郡踰句注置廣武城後

魏明帝又移置廣武東古上館城隋改廣武縣為雁門縣

案此則曹魏之平城在今代州界矣當時以一郡為一縣

蓋合雁門郡北諸縣併為平城而置於廣武也今代州有

平城堡在州東劉琨表封猗盧為代王都平城案晉平

宇記云西南未詳劉琨表封猗盧為代王都平城案晉平

陰南故禁書序紀言猗後魏道武又於此建都孝文改為

盧修故平城為南都也後魏道武又於此建都孝文遷都

司州牧置代尹案司州代尹天與中置延和元孝文遷都

洛邑改置恆州孝昌之際亂離尤甚恆代以北並為邱墟

高齊文宣天保七年置恆安鎮徙豪傑三千家以實之今

名東州城其年廢鎮又置恆州案此即遼志所謂東城晉

王李克用與太祖相會處

實北魏故都也魏平城外郭周三十二里又廣西宮外垣
周二十里恆安鎮在其故恆州治水程注所謂去白登縣
十七里者也隋唐之雲內雲中在其西郭外元和志所謂
白登山在雲中縣東三十里寰宇記所謂火山在定襄縣
西五里者也東州城正以雲州在西言之若遼之西京卽
今府城尚在東城界內而志乃以爲奉義縣又以爲懷仁
縣願倒迷亂矣周武帝平齊州郡並廢又以其所置恆安
於東西不辨矣周武帝平齊州郡並廢又以其所置恆安
鎮屬朔州自周迄隋仍爲鎮隋亂陷賊唐武德四年平劉
武周六年置北恆州七年廢隋志雲內後魏都置司州又有後齊安
日雲中開皇初改曰雲內有後魏都置司州又有後齊安
遠臨塞威遠臨陽等郡屬北恆州後周並廢唐志雲州雲
中縣本馬邑郡雲內之恆安鎮武德元年置北恆州七年
廢案兩志所言州鎮與縣明非同治一城恆安鎮不見於
隋志統於北恆州也據隋志則北恆之名已始於後齊唐
志云武德元年置後唐初朔州以北皆劉武周所有當依
元和志作六年置至後魏之平齊郡初置於桑乾郡之西
北乃猗盧所建之小平城也隋志以代郡之平城當之殊
誤詳山貞觀十四年自朔州北界定襄城移雲州及定
陰縣下案古定襄城在朔州北三永淳元年爲默噶所破
襄於此百八十里今和林格爾廳

移百姓於朔州開元十八年復置雲州及雲中縣

府志遼史地理志大同重熙十七年析雲中縣置按唐
鎮北大都府有大同縣屬關內採訪使距今大同甚遠

元史地理志大同倚郭至元二年省西縣入焉按元時

大同路無雲中縣則西縣當指雲中卽今左雲以西地

所謂雲西也

案西縣與東州正相對唐時雲州治雲中
在西故目廢恆州爲東州金元時府治大

同在東故稱雲
中爲西縣也

舊通志雲中辨大同之號雲中郡也兆於後周昉於唐
相沿且千數百載昔蘇秦說燕文侯曰燕西有雲中九
原趙武靈王二十六年攘地北至代西至雲中九原又
嘗欲將士大夫繇其境直南襲秦是二郡者趙之西界
秦之北境也秦置雲中郡漢因之領縣十一治雲中後

漢無犢和陽壽以定襄郡之定襄盛樂武進隸焉漢末

郡廢入新興郡後魏仍置雲中郡領延民縣太平眞君

七年以雲中縣屬永安郡之定襄永熙中又置雲陽縣

郡本隸朔州改曰雲州此元魏以前雲中郡之大略也

案後魏眞君中屬定襄郡之雲中在今忻州崞縣界卽漢末齊入新興郡之雲中縣也其雲中郡領延民雲陽

二縣在今文水縣東乃魏末僑治并州界之雲州也朔州本隸朔州眞君之亂奇治雲州後雲州亦陷與朔州

並齊治并州界非雲中郡本隸朔州也今之大同漢雁門郡之平城元魏

之代郡也代公猗盧六年城盛樂爲北都修故平城爲

南都天興初置司州太和中改恆州洎齊天保中州廢

爲恆安鎮隸太平縣終魏齊之世不聞以平城爲雲中

郡也後周始改太平縣曰雲中隋曰雲內恆安鎮屬焉

案後魏以來諸鎮皆置將職唐貞觀十四年自朔州北

與刺史同有上中下三等

定襄城徙雲州暨定襄縣來治洎開元二十年改定襄縣爲雲中平城之號雲中於是乎始呂令聞賦平城曰雲中古城是也夫秦漢之雲中古城以唐志覈之雲中都護府爲近其地負陰山帶黃河卽元魏之盛樂故部也

案水經注漢雲中城在盛樂城西八十里

然元魏之盛樂以爲後漢之雲

中郡地則可以爲秦漢之雲中郡城則不可何者范史郡國志凡縣名先書者必郡所治而二漢雲中郡胥治雲中縣以是知盛樂之非雲中故郡也今卽以唐志推之龍朔三年置雲中都護府麟德元年改單于大都護府東北距朔州五百五十七里計其距恆安鎮蓋不翅四五百里而後人乃並號爲雲中亦已疏矣其說兆於後周昉於唐而遼西京志又從而實之謂趙武靈王嘗

置雲中郡於此又謂雲中縣趙置是蓋以唐郡爲洪郡而不知唐之置雲州於恆安鎮與僑郡同匪故郡也遼志業以大同爲雲中郡故以奉義爲漢陶林懷仁爲漢沙南二縣胥雲中屬也以漢地覈之當在平城之西北不當在平城之東南其謬蓋與雲中郡之說等又嘗考之唐之中受降城西二百里有大同川其東爲故大同城又嘗於朔州鄯陽縣東三十五里置大同軍城胥非大同川故地也遼重熙十七年西夏犯邊始析雲中置大同縣而遼志云大同縣本大同川地然則古郡縣之遷移而寢失其眞者又可勝道哉

舊通志大同辨今大同縣漢平城地魏屬新興郡晉屬

雁門郡

案魏晉平城皆在雁門關南

後魏屬代郡隋爲雲內縣初屬

朔州後屬馬邑郡有紇真山白登山武周山有隰水

原

見隋志唐貞觀置定襄縣尋廢開元復置縣曰雲中爲雲

州治遼析雲中置大同縣金元以後皆無異名而遼志
暨明一統志山西舊通志皆指縣地爲大同川地考唐
書中受降城西二百里大同川有天德軍大同川之西
有天安軍皆天寶十三載置天德軍乾元後徙屯永濟
柵故大同城也元和九年李吉甫奏修復舊城北有安
樂戍此皆在長城之外距今縣七百餘里舊志胥誤

縣城 附郭

縣境 東西廣一百二十里南北袤一百六十里

東至直隸宣化府西甯縣界小莊兒一百六十里西甯縣治
一百八十里 西至朔平府左雲縣界高山堡六十里左雲

治一百二十里 南至應州界南柳會村八十五里應州
治一百二十里 北至得勝堡八十里至邊牆八十三里至
豐鎮廳治一百里 東南到渾源州界西浮頭鋪七十里圪
坨鋪八十里渾源州治一百三十里 西南到懷仁縣界里
八莊六十里懷仁縣治七十里 東北到陽高縣界王官屯
九十里陽高縣治一百二十里鎮川堡邊界五十五里 西
北到左雲縣界五十里助馬堡邊界一百里

邊牆 西起鎮河堡朔平府左雲縣界東至鎮邊堡入陽高
縣界經縣北境七十八里

鄉鎮 東鄉聚樂城六十里 北鄉得勝堡八十里 鎮邊堡十八

里鎮川堡五十里 宏賜堡六十里 鎮魯堡六十里 鎮河堡六十里 鎮羌

堡八十里 拒牆堡八十里

驛站

襄城驛

在縣治西

舊設於襄城村

南至懷仁縣西安驛七

十里見額馬八匹馬夫四名排夫二十名

軍站

大同站

極衝

在東關東至聚落站六十里西至左雲

縣高山站六十里見額馬四十二匹馬夫二十一名廠夫二

十名

聚樂站

極衝

在聚樂城東至陽和站六十里見額馬

四十四匹馬夫二十名廠夫二十名

塘站

聚落城

新塘

東至陽高縣王官人屯三十里西至三

十里舖三十里

三十里舖

新塘

西至大同城三十里大

同城

新塘

南至秀女村四十里

秀女村

新塘

南至懷仁城

三十里 四塘各設馬十二匹馬夫六名

舖遞

總舖在縣治西

南路七里村

肥城子

二十里毛家

寇七

灰河子

七十里

小長城

七十七里又十三里

接應州三門城舖

東南路

小南頭

十五里

羅家莊

二十里

南留莊

四十里

古定橋

六十里

西浮頭

七十里

又十里

接

道徑

東由御河興雲橋越墩十二座一百一十七里至陽

高縣大柳樹村四十五里至西甯界小莊兒村東南由興雲

橋經沙嶺村越墩十二座過桑乾河凡七十六里至渾源州

圪坨墩南經七里村越墩二座凡四十六里至懷仁西安堡

墩界又五里至黃家莊墩度桑乾河凡三十二里至應州三

門城西南經周家店村越墩四座凡六十三里至懷仁里八

莊西經南宋家莊越墩七座凡五十里至左雲高山城北經

草廠至白馬城越墩二座凡五十里至邊牆界東北由興雲

橋經迎恩堡越墩十座凡九十六里至陽高王官屯村胥孔

道也

懷仁縣簡缺

漢平城縣西南境屬雁門郡北魏都平城於畿南建日沒城及日中早起二城於黃瓜阜之北曲今二城在縣境後齊於魏舊都置恆安鎮後周置雲中縣隋改雲內地胥隸焉唐雲州治雲中於此置神堆鎮爲戍柵在雲朔二州界仍隸雲中縣遼始析雲中置懷仁縣隸大同府金貞祐二年五月升爲雲州元一復爲懷仁縣隸大同路明初徙東勝衛於縣後調安東中屯衛後所分守隸大同府

國朝因之順治十六年裁所併歸縣雍正四年又併大同前衛八村於縣編戶舊九里今八里

水經注桑乾水又東左合武州塞水水出故城東南流出山逕日沒城南東有日中城又有早起城亦曰食時城在

黃瓜阜北曲中其水又東流右注桑乾水

金志懷仁縣有早起城口中

府志早起城在縣南三十里日中城

太平記雲州西南

至神雄鎮柵九十里

續通典雲州西南至神雄柵九十里

里

唐書李克用伏兵神雄堆擒吐谷渾邏騎三百乃入雲州出擊李匡威赫連鐸兵皆敗去案神雄蓋卽黃瓜堆在今縣南三十里唐雲州在今府城西北二十八里距此合

九十里也太平記作神雄鎮以續通典證之雄乃鶻字

舊通志懷仁辨遼志懷仁卽漢沙南按沙南在漢屬雲

中郡今大同乃雲中東境也後人誤以平城爲雲中郡

指隋後之疆域爲兩漢疆域宜其多舛懷仁在大同府

西南七十里與漢雁門郡之涅陶爲近沙南見桑欽水

經河水又東過雲中楨陵縣南又東過沙南縣北從縣

東屈南過沙陵西今歸化城有沙陵湖則沙南應更在

沙陵之北又考懷仁北郭外有北沙河南郭外有南沙

河卽舊志所謂沙泉也然此泉自明季始著不得據以

解漢之沙南而桑乾枝水俗名南池池北有湟陶縣之

故城在十五里內

案縣南界止黃花堆桑乾河在堆南其枝津又在河南汪陶故城當二水

問去懷仁亦遠一統志在山陰縣東是也

府志遼史地理志元魏葛榮亂沙南縣廢隋開皇二年

移雲內於此大業二年置大利縣屬雲州改屬定襄郡

案晉魏書俱不見沙南縣是東漢末已併爲雲中一縣

屬新興郡非廢於元魏也隋志大利縣有長城陰山紫

河在今朔平府西北邊外懷仁要隸雲內縣地遼志又

云奉義縣析雲中置後唐武皇與太祖會此按唐書沙

陀傳五代史唐本紀遼史太祖紀皆載會雲中事惟遼

地理志云會於雲州之東城又曰恆安鎮今謂之東城

是東城卽奉義縣而懷仁更在其西實則遼以前皆爲雲中縣地也又接五代史唐大順五年李克用攻赫連鐸於雲州遼志懷仁縣下亦言克用敗鐸於此蓋唐雲州僅領雲中一縣其地廣遼遼之大同天成白登奉義懷仁俱從此析

縣城 明洪武十六年因舊城增築永樂九年重修周三里有奇高三丈池深一丈門二東曰保泰西曰柔遠成化元年增修月城二座嘉靖三十四年增高三尺厚三尺南北增設工字墩二座隆慶四年增大牆四尺甃甃女牆萬厯元年甃甃全城計周七百三十七丈九尺高三丈八尺基厚三丈頂厚一丈八尺池廣一丈八尺建東西城樓二角樓四東面敵臺二南北敵臺各一郭子直記

縣境 在府西南七十里

東西廣六十里南北袤九十里

東至大同縣界西安堡三十里

冊作至東信橋村四十五里
少南至渾源州一百二十里

西至朔平府左雲縣界王下莊三十里 南至山陰縣界

黃花嶺三十里山陰縣治八十里 北至左雲縣界高山堡

六十里

縣志作北至大同縣界綺女村又曰至雲中驛七十里

東南到應州六十六

里

舊縣志至安銀子驛七十里 西南到朔平府馬邑縣一百五十里

志至廣武驛一百四十里

東北到大同縣治七十里到陽高縣治一百

九十里 西北到左雲縣八十里到邊界一百里

鄉鎮 東鄉西安鎮

三十里

驛站 西安驛

次衝

在縣城舊在西安堡後移城內

北至大同縣大同

軍站 蠻城驛並七十里南至應州安銀子驛六十里見設馬

四十匹馬夫二十名排夫二十名

塘站

懷仁城

新塘

北至大同縣秀女村三十里南至薛家

莊三十里

薛家莊

新塘

南至鹽豐場三十里

鹽豐場

新

塘

商至山陰縣岱岳站二十里

三塘站各設馬十二匹馬

夫六名

舖遞

總舖在城

東路西安堡

三十里又十里接大同灰河子舖

黃家莊

三十五里又十五里接大同長城舖

道徑

西由宋家莊舖薛家莊村胥十五里又十里至尙希

莊又十四里至大峪口入左雲吳家窰界爲殺虎口大道南

由尙希莊老圪塔舖過第三作村二十里至鹽豐營入山陰

鄭家莊界爲太原保德大道北由柳東營裏八里舖胥十里

入大同繡女村舖界又十里至辛莊舖又五里至東小河村

又五里至韓家嶺鋪又十里至青圪塔鋪又十里至大同縣
治爲通直隸大道東三十里至西安堡又四里至黃家莊又
十五里至舊站鋪又十里至小長城鋪南入應州三門城界
亦爲孔道東南十里至南晏莊又十里至清水河村入應州
溫家房界爲小徑

渾源州

簡缺
難

漢置崞縣隸雁門郡

莽曰崞張曰東境

兼靈邱縣地隸代郡後漢靈

邱改屬中山國旋省崞屬雁門如故晉仍爲雁門郡屬縣永

嘉四年與同郡之繁時並屬代公衛盧後魏置崞山縣屬繁

時郡建別宮於南境之溫泉屬靈邱郡並隸司州爲畿內地

太和中以繁時郡隸恆州天平二年恆州寄治秀容縣亦南

徙卽今代州之崞縣也隋馬邑郡雲內雁門郡靈邱二縣

唐雲州地後析置渾源縣隸應州以渾源川得名卽崞川水也後唐始治今城避明宗諱曰渾元遼仍爲渾源隸應州金貞祐二年五月升爲渾源州仍置縣倚郭隸西京路元初改渾源縣曰恆陰並置司候司隸大同路至元四年省縣入州明隸大同府調安東中前二所守禦

國朝因之順治十六年所裁併入州編戶舊十四里今同

魏書序紀穆帝三年

晉永嘉四年

晉懷帝進帝大單于封代公

帝以封邑去國懸遠乃從劉琨求句注陁北之地琨徙馬

邑陰館樓煩繁峙崞五縣之民於陁南更立城邑盡獻其地東接代郡南連西河朔方帝乃徙十萬家以充之帝

紀興光元年冬十一月帝自中山還幸靈邱至溫泉宮

地形志繁峙郡天平二年置領縣二崞山繁峙

案帝紀文成帝興安

二年太安三年並幸崞山獻文帝皇興二年改崞山遂入
繫時孝文帝太和元年如崞山明年又入崞山皆在遷洛
以前靈徵志延昌元年四月庚辰恆州之繁時柔乾靈邱
地震是繁時立郡崞山置縣已久地形志特以天平二年
恆州寄治秀容並所
領郡縣爲同時置耳

水經注灤水東逕巨魏亭北又東崞川水注之水出崞縣

故城南王莽之崞張也縣南面元岳右背崞山處二山之

中故以崞張爲名矣其水又西出山謂之崞口

府志故崞縣州西二

十里橫山左側遺址尙存又澹水注出靈邱西北高氏
案與州渾源舊城爲一地

山其水東南流山上有石銘題言冀州北界故世謂之石

銘陁也其水又南逕候塘川名也又東合溫泉水水出西

北暄谷

案石銘陁在恆山之陰說詳山川暄谷溫泉州東南九十里之湯頭灣也

府志隋書地理志東魏置廓州有廣安永定建安三郡

後齊改北潁州後周廢開皇十年改縣曰平寇大業初

改爲崞縣省志舊志州志皆謂隋崞縣其初爲平寇縣
卽兩漢以來崞縣舊地按平寇縣名已見於北周書馮
遷傳若北齊書庫翟盛傳以肆州平寇縣爲食邑當卽
北魏永安郡之平寇非隋改崞縣者隋崞縣有崞山見
地理志今代州之崞縣西南二十五里有崞山距渾源
州遠甚水經注崞縣故城王莽之崞張也縣南面恆岳
右背崞山今恆岳在州南二十里州西二十里有橫山
南北橫亘如城故崞縣在其左橫山疑卽崞山州志云
山形如郭故名肇於西漢至唐徙築今城不爲無據第
晉末已徙崞縣民於陘南更立城邑則故崞縣本在雁
門關北兩漢晉初崞縣及北魏之崞山皆今州境而隋
唐以後之崞則爲今代州屬縣矣 又云遼史地理志

渾源州唐置有渾源川按五代史唐家人傳廢帝后劉氏應州渾元人而縣名不見職方考遼志應州升彰國軍明著爲後唐而此云唐置疑亦置自唐初也金史曰晉縣者承後唐言後唐避明宗諱故曰渾元

謹案舊志以州爲漢平舒亭二縣地引漢志平舒有滹夷川爲證蓋據師古注以祁夷爲滹夷也然祁夷今廣靈之壺流河不經州境則仍指滹水言漢志於靈邱下明著滹爲并州川舍此取彼殊不可解其從明統志謂北魏屬神武郡亦未爲核茲列魏書酈注以示徵信元恆陰縣亦見明統志而元史無之統志成於明初去元未遠或別有據也

州城

舊城在州西橫山左側峽水環流值雷雨泛漲城多

水思後唐時徙築今治地脈從東南來結爲邱形如龜城背其形雉堞屈曲宛若負書狀周四里二百二十步高一丈五尺厚一丈池深七尺廣二丈東西二門明永樂二十年增高一丈濬重濠嘉靖四十五年重修萬曆二年甄發計高四丈基厚三丈五尺頂厚二丈雉堞七尺堞口七百有七敵臺十七樓櫓十一舖舍九題其門東曰望恆西曰平川上各建樓外設甕城月城俱毀以甄石二十九年闢南門曰引翠國朝順治六年姜瓖之變西門樓及角樓舖舍燬於火城亦多塌損知州郎永濟重修

州境 在府東南一百二十里

東西廣九十里南北袤一百四十里

東至廣靈縣界分水嶺四十里廣靈縣治一百二十里 西

至應州界羅家莊五十里至寇家寨四十五里少南至應州
治九十里 南至繁峙縣界王家莊堡九十里 北至大同
縣界西浮頭村五十里至聚樂堡一百二十里 東南到靈
邱縣界蔡家峪一百一十里靈邱縣治一百五十里到倒馬
關三百五十里 西南到繁峙縣界朱家壑村八十里繁峙
縣治一百九十里 東北到陽高縣治一百五十里 西北
到大同縣界大王村六十里大同縣治一百二十里到懷仁
縣界下峪村七十里懷仁縣治一百五十里

鄉鎮

南鄉王莊堡

九十里

驛站

上盤驛

稍衝

在州治東西至應州安銀子驛九十里

東至廣靈縣馬廠一百里見額馬十三匹馬夫六名半

舖遞

總舖在城

東路峰臺

七里

楊家莊

二十里

沙窟陀

三十里

亂嶺關四十里又十里接廣靈界南路唐家莊八里大資窰一里青資窰

三十掬沙嶺四十里槍鋒嶺五十里金峰店六十里龍嘴七十里大圪

枝八里王家莊九里湯頭九十八里西路郭家莊十里新莊

子二十里西坊城四十里寇家寨五十里接北路土橋七里下韓

村十五里三嶺三十里崩陀四十里又十里接大同浮頭舖

道徑東經沙嶺舖二十里沙圪坨亂嶺關四十里又十里

至廣靈界望狐村南十里上恆山麓經大資窰賀家灣掏沙

至槍鋒嶺舖四十里緣嶺行經中莊龍嘴王家莊湯頭至靈

邱界蔡家峪六十里西經辛莊西坊城至應州界寇家寨舖

五十里北十五里上山經二嶺三嶺圪坨至大同界賀家峪

舖四十里此孔道也而亂嶺關資窰關槍鋒嶺胥天險也二

嶺三嶺亦匪坦途

應州簡狀

街

漢繁時劇陽二縣地兼汪陶縣之東境並隸雁門郡晉劇陽省後魏於繁時建別宮爲畿內縣天平初同崞山縣僑治秀容隸恆州繁時郡隋馬邑郡雲內神武二縣地唐雲州地後置金城縣立應州治之後唐明宗天成元年升彰國軍節度遼爲應州彰國軍上節度統金城渾源河陰三縣兵事屬西京都部署司開泰三年置轉運使金下州仍彰國軍節度使領縣三隸西京路元下州隸大同路統金城山陰二縣並治金城明隸大同府省金城縣入州仍領山陰縣並置安東中屯衛

國朝因之順治十六年裁衛併入州雍正八年山陰罷屬編戶舊二十里今仍舊

水經注瀑水

自汪陶故城來
詳山陰縣下

又東北逕石亭西蓋皇魏天

賜三年之所經建也瀑水又東北逕白狼堆南魏烈祖道

武皇帝於是遇白狼之瑞故斯阜納稱焉阜上有故宮廟

樓榭基雉尙崇瀑水又東流四十九里東逕巨魏亭北又

東崢川水注之其水西出山謂之崢口北流逕繁時縣故

城東王莽之當要也又北逕巨魏亭東又北逕劇陽縣故

城西王莽之善陽也按十三州志曰在陰館縣東北一百

三里其水又東注於瀑水

案一統志繁時在渾源州西劇陽在應州東據注崢川水出山

始逕繁時當在應州境矣白狼堆爲黃瓜阜之尾在州西

北三十里其故宮隋蓋即天興元年所幸之繁時宮也宮

去劇陽五十里繁時又在其東而爲繁時地者劇陽久廢

而繁時屢見魏書兩縣同在渾河之曲桑乾之陰相距最

近故當併爲一縣也其故城約在州東北二十里五代

去陰館不止百三里或百三十里傳寫有脫誤也

史職方考應州故屬大同軍節度唐明宗卽位以其應州

人也乃置彰國軍 遼地理志本漢陰館縣地漢末廢爲

陰館城唐武德中置金城縣後改應州府志 衛盧從井州

陰館縣晉時尚存案應州新舊唐書元和志太平記均無

志金城縣置自唐初難信 明一統志應州以龍首雁

門二山南北相應故名

謹案遼志以應州山陰並漢陰館地又直以廢城爲

在州境與舊志謂爲廣武縣地者同一失考漢晉廣

武在今代州西二十里若雁門關北口之新舊廣武

一爲金縣屬朔州一則明初所置之千戶所也其陰

館故城在金廣武縣西五里俗名下關城爲下館之

譌距此均遠然猶牽涉之誤若舊志謂後周置陰城

縣隋廢陰城爲神武縣則直鑿空矣又志謂州城爲

唐天寶初節度使王忠嗣建據本傳忠嗣爲節度使
築大同靜邊二城大同軍今馬邑鄉靜邊軍今右玉
縣也

州城 唐初名金城乾符間晉王李克用父爲大同節度使
移築天王村距古城八里明洪武八年再徙今治周五里八
十五步計一千三百三十五丈高三丈二尺池深一丈廣二
丈門三重以甕圈東曰暢和南曰宣陽西曰懷成北建樓城
上曰拱極成化六年改建眞武廟以鎮北方二十年重修增
月城築三門關廂正德九年加修嘉靖四十三年增高三尺
濬濠及泉隆慶五年甃甃萬厯間沿濠值柳甃甃南關牆
國朝順治十二年知州張文德十四年知州林友玉重修康
熙元年知州傅登榮再修之乾隆十一年發款修二十九年

知州吳超三十年知州吳炳相繼修

州境 在府南一百二十里

東西廣七十里南北袤七十五里

東至渾源州界羅家莊四十里少北至渾源州治九十里

西至山陰縣界安銀村三十里 南至繁峙縣界茹越口村

四十里 州志南距繁峙縣界書堂巖五十里 繁峙縣治一百里 北至大同縣

界南柳會村三十五里 州志二十五里 閱視大同縣治一

百二十里 東南到繁峙縣界胡峪口營五十五里到山陰

縣治六十里 西南到代州界胡峪八十里 東北到大同

縣界百穀寨三十里蘆子溝四十里 西北到懷仁縣界黃

之黃三十里懷仁縣治六十里

巡檢司在安東中屯堡

鄉鎮

東鄉安邊鎮

里一十

西鄉司馬鎮

里十五

南鄉大羅

鎮

里四十

北鄉神武鎮

里四十

安東中屯

里一百四

驛站

安銀子驛

稍衝

在州城南三十里

舊在州西

西南至山陰縣山

陰驛六十里東北至懷仁縣西

安驛六十里見額馬十六匹

馬夫八名排夫二十名

鋪遞

總舖在城

東路十里

里一十

魏家莊

里十五

聖水堂

里三

里

羅家莊

里四十里又十里接渾源界

西路官道舖

里十五

永盛莊

里三十里接山陰

縣界

北路楊家莊

里十五

三門城

里三十里又十三里接大同界

道徑

東經十里舖鎮子梁聖水堂舖二十五里又十五里

至渾源州界羅家莊舖西經官道汛黃魏子汛永盛莊舖三

十五里至北湛村汛山陰縣界西北經胡家寨曹娘子村胥

十里又西北至懷仁縣界馬家莊舖十里又西北由山陰縣

經東河頭汛胥十五里北曹莊栗家房胥五里曹娘子村蕭家寨汛胥十里至懷仁縣界劉霍莊舖北經楊家莊舖十五里至大同縣界三門城舖此孔道也東南經姜家莊二十五里至繁峙縣小石口城乃小石口界也南經席家堡十四里至繁峙縣界王宜莊西南經七里村十五里至繁峙縣界東安峪村乃胡峪口界也又西南經小穗稔村四十里至代州界馬蘭莊乃馬蘭口界也東北經西輝耀村周家莊胥十里渾河水由莊東西流又北由邊耀村七里至大同縣界百穀寨村此小徑也而小石胡峪馬蘭三口最爲要隘

山陰縣

簡缺
街

漢置汪陶縣隸雁門郡後漢晉並同晉建興元年代公猗盧於今縣西北黃花嶺下築新平城後魏天賜三年復於今縣

北建灤南宮築外城後置桑乾郡隸司州皇興元年
士望於新平城立平齊郡居之尋徙治於故陰館縣孝文帝
都以桑乾郡隸恆州孝昌中廢北齊移朔州之太平郡來治
後周罷隋置神武縣隸馬邑郡唐廢縣屬朔州爲馬邑縣
後唐明宗於馬邑置寰州又爲寰清縣地遼始於今縣置河
陰縣初隸朔州清甯中改隸應州金大定七年以與鄭州屬
縣同更名山陰仍隸應州貞祐二年五月升爲忠州徙治於
縣西南十五里元下仍爲山陰縣還故治隸應州至元二年
併入金城縣後復置明屬大同府應州

國朝因之雍正八年直屬大同府編戶舊七里今六里

魏書序紀穆帝

自

六年脩故平城爲南都更南百里於

灤水之陽黃瓜堆築新平城晉人謂之小平城使長子六

倚鎮之統領南部又帝紀天興元年七月遷都平城六年
九月行幸南平城規度灑南面夏屋山背黃花堆將建新
邑天賜三年築灑南宮規立外城方二十里分置市井經
塗洞達列傳崔道固傳皇興初徙齊士望及道固守城
數百家於桑乾立平齊郡於平城西北北新城以道固爲
太守尋徙居京城西南二百餘里舊陰館之西又崔亮傳

慕容白曜平三齊內徙桑乾爲平齊人

案以紀傳合核之

乾河北道武之新城在桑乾河南對代郡之平城而言謂
之小平城南平城兩城相對而言則倚盧之城爲北新城
其桑乾郡自在道武所建之城平齊郡在北新城也據宋
書索隱傳道武天賜三年都代郡桑乾縣之平城似當時
先爲縣後改郡者特敵國傳
則異詞當以水經注爲正也

水經注灑水東北流逕陰館縣故城西魏皇興三年齊平

徙其民於縣立平齊郡灑水又東北左合桑乾水

案此則
郡立於

元年徙於三年也陰館故城在馬邑
鄉南距朔州代州山陰各七十五里

桑乾水又東南流又

南右合灑水亂流枝水南分桑乾水又東左合武州塞水

桑乾又東南逕黃阜曲西又屈逕其堆南徐廣曰猗盧廢

嫡子曰利孫於黃瓜堆者也又東右合枝津枝津上承桑

乾河東南流逕桑乾郡北大魏因水以立郡受厥稱焉又

東北左合夏屋山水桑乾水又東流通結兩湖俗謂之南

池池北對汪陶縣之故城故曰南池也南池水又東北入

灑水府志桑乾枝津疑是今黃水河夏屋山水今復宿山

水合流北流逕縣城東案黃瓜阜以南地勢大半平

衍河道遷徙無常約以注考之倚盧之城當

在新岱岳以東桑乾郡當在城北十許里隋志馬邑

郡統縣四鄯陽有後魏桑乾郡後齊以置朔州及廣甯郡

案此誤後齊初置之朔州太平記在今州西南四十七里

之新城非桑乾所經則所云桑乾當指陰館城乃後魏再

徙之平齊郡隋神武後魏置神武郡後齊改曰太平後周

之桑乾鎮也

罷郡有桑乾水

案此乃今山陰也。謂後魏置神武郡亦誤。

孝目亂後始改朔州寄治并州界今壽陽縣有神武村太

平村是也。高齊既徙朔州於馬邑乃名道武之新城爲太

平城隋始置神武縣實則桑乾郡故治也。雲內後魏立平

齊郡尋廢後齊改曰太平縣。案此亦誤。魏平齊郡據崔道

城隋雲內縣在今府城西北二十八里。蓋踵此文而譌音

苑方輿紀要云平齊城在府西三十里。蓋踵此文而譌音

冀字記太平城後魏穆帝所理冀州圖云太平城城上

埤垣却敵在內郭城東西南北各十里。案所云郭城卽魏

之外城也。惟以爲猗盧所置小誤。

府志遼河陰縣以縣在桑乾之南水南曰陰故曰河陰

其後更名山陰以在復宿山之北

謹案桑乾郡不見於地形志蓋當秀容寄治時已省

入代郡列傳朱瑞代郡桑乾人可證也據志代郡領

四縣平城今之大同懷仁武州今之左雲平晉永固
今之豐鎮其太平當爲山陰應州似卽桑乾郡改爲
縣又改名太平者隋志以朔州之太平郡係之神武
爲後周所置證以寰宇記之太平城當是一地以代
郡之太平縣係之雲內爲北齊所置殊不可考志兼
五代詳略不一而每誤以僑治爲本治遂致參差元
和志序雲朔二州於所列郡縣皆不採及蓋其慎也
今亦未敢輒定仍以縣歸大同而附辨於此一統志
後魏太平故縣在今甯武東北核其地卽朔州西南
四十七里之新城括地志誤爲小平城者又以隋神
武縣在今神池東北而隋志神武有桑乾水與神池
似不相涉唐書沙陀傳言朱邪執宜保神武川之黃

花堆築新城而居之新城即南平城也與朔州西南
 之新城及後來遼所置之神武縣皆名同實異志家
 沿遼志並以屬之朔州然神武可混為一而桑乾水
 不能移於今朔州之西也新城可混為一而黃花堆
 更無因反在南平城之南也今神池縣南有黃花嶺
 與山陰之黃瓜阜俗亦
 名黃花嶺
 者各別

又案水經灤水西起雁門陰館東至代郡桑乾漢雁

門郡領縣十四水所逕之縣五陰館注陶唐
 陽崞馬邑代郡領

縣十八水所逕之縣七桑乾道人班氏
 平邑陽原東交陽然其水

曰治曰台曰灤不名桑乾考唐以前城邑名桑乾凡

三一為漢縣舊代郡治在今直隸之西甯魏土地記

代城西北九十有桑乾城是也一為隋鎮即陰館故

縣隋紀大業十三年劉武周破王智辨於桑乾鎮陳
孝意傳云戰於下館城是也一卽桑乾郡水經注所
謂大魏因水以立郡者是也自道元之說行其初因
縣以名水者其後更因水以名郡與鎮而灤水之稱
至今遂隱

縣城 明永樂三年因舊城重築周圍四里二十步高二丈
五尺正統二年修正德六年嘉靖十六年俱重修二十六年
增高八尺隆慶四年再增高七尺六年輒發高如舊制基厚
五丈八尺頂厚二丈池深八尺廣二丈門三東曰永泰南曰
宿峰西曰靖遠上建樓櫓外爲月城北無門四隅警鋪八城
下列垣爲蔽垣外三十餘步周圍築隄以防黃水河之漲萬
曆三十五年輒發女牆馬道崇禎元年築護垣九百五十丈

落池深如舊引黃水河注之繞護城垣城上置懸樓十六以資防守

國朝康熙二十四年知縣鄧永燮重修乾隆十一年知縣李歲二十七年知縣葉丕葆三十九年知縣傅修皆嘗繕治

縣境 在府西南一百四十里

東西廣五十五里南北袤八十里

東至應州界長樂村二十五里 西至朔州界新興舖三十

里馬邑鄉城六十里 南至代州界佛宿山沙家寺三十里

關觀錄至廣武站六十里 代州治一百里 北至懷仁縣黃花嶺五十里

懷仁縣治八十里 東南到應州界望巖村二十里到代州

繁峙縣九十里 西南到朔州界四十里到代州界黃峰臺

村二十里 東北到應州界辛塞村二十里安銀舖三十里

應州治七十里 西北到朔州界泥河村二十五里到懷仁縣六十里

巡檢司在岱岳鎮

鄉鎮 北鄉岱岳鎮三十里

驛站 山陰驛稍衝在縣治東南至代州廣武站六十里北

至應州安銀子驛六十里見額馬十匹馬夫五名

塘站 岱岳站新塘北至懷仁縣鹽豐場三十里西至朔州

上西河三十里額設馬十二匹馬夫六名

舖遞 總舖在城 東路射梁八里李珠莊十六里接南路

上西河十里黃峰臺二十里張家堡三十里接西路西鹽池十里

趙縣二十里接朔州界

道徑 東至應州界北小湛舖二十里南至代州界黃峰臺

鋪二十里北經安銀村渡二十里越桑乾河十里至岱岳村
十里由岱岳北至懷仁九十里西至馬邑六十里西南至代
州廣武站七十里西至朔州界新興鋪三十里東北至應州
界東辛寨鋪二十里此孔道也北經小圪塔村渡十里越黃
水河西南至代州廣武站五十里此小徑也

陽高縣

高缺

漢代郡高柳縣西部都尉治兼道人平邑參合三縣地後漢
初爲盧芳所據建武十九年封芳爲代王其相閔堪爲高柳
侯並居此二十七年復置代郡治高柳領縣十一省參合入
道人爲參合鄉永元八年復平邑曰北平邑晉代郡徙治代
縣並廢北魏爲畿內地永熙中置高柳郡領安陽高柳二縣
隸恆州寄治秀容郡隋雲內縣地隸馬邑郡唐清塞守捉城

貞元十五年置清塞軍隸河東道遼於今縣南二十里置長青縣隸西京大同府金大定七年更名白登仍隸西京路大同府元下至元二年廢爲鎮屬大同縣尋復置隸大同路明洪武初廢白登入大同縣二十六年於唐舊軍建城置陽和衛宣德元年徙高山衛來同治隸行都指揮使司嘉靖元年設兵備道隆慶二年移宣大總督駐之

國朝順治三年併高山衛爲一曰陽高衛五年移大同府來治升爲陽和府八年復爲衛十三年裁總督及兵備道雍正三年改爲陽高縣隸大同府編戶舊十里今同

水經注山海經曰雁門之水出於雁門之山在高柳北其水西南流逕高柳縣故城北舊代郡治建武十九年封代相堪爲侯國昔牽招斬韓忠於此處城在平城東南六七

十里雁門水又東南流屈迆一故城背山而澤北俗謂之
叱險城又東南流屈而東北積而爲潭敦水注之其水導
源西北少咸山之南麓東流徑參合縣故城南地理風俗
記曰道人城北五十里有參合鄉故縣也雁門水又東北
入陽門山謂之陽門水案雁門水俗名南洋河自縣北二
十里至天鎮縣界與白登河合即敦水也又東北流四
十里自天鎮東北入陽門山注所言水道與今相符則縣
治卽漢高柳故城敦水以逕白登城名白登河亦卽漢之
參合故縣也明建陽和衛因陽門水而名土人讀河如和
遂書爲陽和耳道元此注於縣中因革所關甚大惟謂奉
招新韓忠於此以柳城爲高柳又謂故城在平城東南六
七十里寶記憶之又灤水注如渾水東南注於灤水灤水
又東逕平邑縣故城南趙獻侯十三年城平邑地理志屬
代王莽之平胡也十三州志城在高柳南百八十里北俗
謂之醜寅城灤水又東逕沙陵南灤水又東逕猗氏縣故

城北深水又東逕道人縣故城南地理志王莽之道仁也
地理風俗記曰初築此城有仙人遊其地故因以爲城名
矣十三州志曰道人城在高柳東北八十里所未詳也
水又東逕陽原縣故城南案平邑在高柳南百八十里當屬大同縣境以一本無百字從一統志繫之陽高雁門水下云道人城北五十里有參合鄉則此東北八十里明誘東南爲東北以地望考之故城應在縣南東井集之北矣

謹案縣在漢爲郡治之高柳而舊志府志皆略而不
書爭引遼志之白登臺爲重寶則縣南岡阜悉白登
山臺自在平城服虔酈元之說具在也唐清塞城在
雲州東百二十里通典元和志太平記悉同正合在
今縣而元志以宏州當之宏州乃乾元初所徙治之
橫野軍地也去大同一百八十里元志未核又案地

形志恆州梁城郡有參合縣注云前漢屬代誤乃水
經注所謂參合陁俗稱蒼鶴陁魏因陁以名縣者也
一統志在左雲縣西北與代郡之縣非一地

縣城 明洪武三十一年中山王徐達所築周九里三十步
高三丈五尺池深三丈門三東曰成安南曰迎暄西曰成武
上各建樓外有月城窩舖十四萬厯二十九年甄鸞南關崇
禎四年總督魏雲中於望臺上每面修望樓六座甄鸞全城
縣境 在府東北一百二十里

東西廣一百二十里南北袤一百三十里

東至天鎮縣界二十五里天鎮縣治六十里 西至大同縣
界聚樂堡六十里 南至天鎮縣界四十五里至大同縣界
東井集九十里 北至邊牆十四里

縣志作
十里

東南到天鎮

縣界陽和塔四十里 西南到大同縣界五十里大同縣治一百二十里 東北到天鎮縣界榆林口六十里 西北到大同縣界唐家窰六十里

大同府通判駐縣城

邊牆 西起靖魯堡新界石墩大同縣界東至鎮門堡不憊

溝入天鎮縣界經縣北境六十七里

鄉鎮 兩鄉東井集九十里 北鄉鎮門堡三十里 守口堡三十里

靖魯堡三十里

軍站 陽和站極街 在縣城西街西至大同縣聚樂站六十

里東至天鎮縣天城站六十里兒額馬四十四匹馬夫二十名

廠夫二十名

塘站 三十里舖新塘 東至天鎮城三十里西至陽和城三

十里

陽和城

新塘

西至王官人屯三十里

王官人屯

新

西至大同縣聚樂站三十里 三塘各設馬十二匹馬夫

六名

舖遞 總舖在城

東路十里臺二十里舖

又十里接天鎮三十里舖

西路十里舖王官人屯

三十里又十里接大同縣界

道徑 東由十里舖歷四舖凡六十里至天鎮縣治西由十

里舖經王官人屯凡六十里至大同縣屬之聚樂城孔道也

其南道由聚樂城東經馬官屯二十里又東經白登城二十

里又二十里達天鎮縣屬之雙寨爲小徑亦由大同入宣府

之衝途也

天鎮縣

簡缺

漢延陵陽原二縣地隸代郡後漢陽原廢延陵省爲鄉入當

縣仍屬代郡後魏爲高柳川地隸恆州高柳郡隋馬邑郡
雲內縣地唐雲州東境後置天成軍隸河東道乾元元年廢
蔚州橫野軍徙天成軍合之仍隸雲州後唐爲雲中縣地隸
雲州大同軍遼析置天成縣隸西京大同府元初隸宣德府
中統二年改隸興和路明洪武四年改隸大同府三十一年
改設衛曰天城後徙鎮魯衛來同治隸行都指揮使司
國朝順治初併二衛爲一曰天鎮衛雍正三年改爲天鎮縣
編戶舊十里今五都

縣志漢延陵縣一統志在天鎮北當卽新平堡水經注
延鄉水出縣西山東逕延陵縣故城北云云以今水道
核之延鄉水卽新平堡北之西洋河也陽原縣故城一
統志在直隸西甯縣南十里西甯新志云水經注灤水

東遼陽原縣故城南又東安陽水注之水出縣東北澤

中云云今縣南十里爲溫水所經其安陽水無地以實

之則故城當在縣西近天鎮南川諸村矣

安陽水縣南七十里之五

泉河今俗名倒回窩水與注所謂大拔遼水者亦相似

後漢書郡國志延陵陽原

並省時代郡治高柳在今陽高與縣最近其地似省入

郡境而應劭地理風俗記曰當城西北有延陵鄉故縣

也劭東漢人所舉乃時制也當城故縣據水經注在代

城東

今蔚州東六十里

去新平約二百里必非一縣地而應劭

又云當城西北四十里有且如城則在今察哈爾旗界

十三州志當城在高柳東八十里則又是天鎮地皆與

水經注不合故道元以爲代稱不拘較其城郭相去遠

也竊謂蔚州之當城乃建安以後南徙者據晉志代郡

所領四縣代廣昌平舒當城皆在桑乾以南僅兩漢代郡之一隅蓋其時舉陞北之地並棄之而代與廣昌平舒以近內郡得不廢其當城則或因遺民南徙別立爲縣以十三州志里數核之東漢故治正合在今縣東二十里去延陵鄉亦不過四十里也 又案遼史地理志

天城本極塞之地魏道武置廣牧縣通志承用其說舊志更以新興郡廣牧縣當之展轉傳合益形糾紛考廣

牧本漢朔方郡地

水經注北河又南合南河南河上承西河東逕臨戎縣故城北又東逕臨

河縣南又東逕廣牧縣故城北東郡郡尉治王莽之監

官地是其地當河套在鄂爾多斯右翼後旗黃河西岸

去歸化城約五六百里自靈帝之末羌胡大擾朔方諸郡流徙分

散建安中曹操始集塞下荒田郡置一縣領其民合爲新興郡晉書地理志新興郡魏置統九原定襄雲中廣

牧晉昌是也其郡治九原在今忻州廣牧城在壽陽北
近今定襄此初徙置也後魏於漢五原郡置懷朔鎮孝
昌之亂恆代以北並爲邱墟乃改懷朔爲朔州寄治於
并州界地形志朔州領郡五縣十三廣牧縣屬附化郡
其地亦在壽陽此再徙也去天鎮殊遠而遼志旣以魏
武僑治之縣屬之道武舊志復援晉書證成其謬夫晉
書嘗載劉琨遣箕潛救樂平太守韓據於沾城琨屯廣
牧爲聲援矣沾城在今樂平鄉西南與壽陽接壤故聲
援相應若天鎮則遠在八百里外曾有相去秦越而稱
爲援兵者乎 又案唐書地理志蔚州東北有橫野軍
乾元元年徙天成軍合之而廢橫野軍元和志云蔚州
北至天成軍一百八十里雲州東至清塞城一百二十

里又東至天成軍六十里軍爲今縣城建置之始元和志所言道里甚核寰宇記於雲州里至脫寫又字府志據之謂軍在大同東六十里非也唐書兵志唐初兵之戍邊者大曰軍小曰守捉曰城曰鎮而總之者曰道軍在當時蓋直隸於河東道也乾元中徙軍橫野遂廢爲雲中縣地元和志橫野軍河東公張嘉貞移置管兵七千八百八馬一千八百匹案續通典橫野軍初置在飛狐又移蔚州開元中移於大安鎮北今西甯縣是也

謹案舊志謂天鎮廣靈北魏時並爲懷荒禦夷二鎮地蓋據地形志蔚州永安中改懷荒禦夷二鎮置也旣以二鎮爲在蔚州則廣靈本析自蔚地天成會徙合橫野亦當在二鎮界內此由未明北魏地形有畿內有塞外有本治有僑治而誤也魏書食貨志天興

初定京邑東至代郡西及善無南極陰館北盡參合
以爲畿內之田此爲今大朔二府及西甯蔚州地其
郡縣皆隸司州者也帝紀太祖築城於長川之南自

赤城西至五原延袤二千里此在今直隸宣化府及

歸綏七廳之北爲北魏舊都所謂畿上塞圍者也

晉太

康初拓跋祿官分國爲三部自居上谷北瀋源之西
兄子綺龜統一部居代郡之參合陂迤邐弟綺盧統
一部居定襄之盛樂故城其後什
翼犍亦都盛樂道武帝始徙平城世祖破蠕蠕列置

降人於漠南東至濡源西暨五原陰山竟二千里分

爲六鎮曰武川曰撫冥曰懷朔曰懷荒曰柔元曰禦

夷此六鎮則在塞外以水經注核之懷朔最西今烏

拉特旗地南界薩拉齊廳又東爲武川在今歸化城

北界又東爲撫冥柔元今察哈爾牧場地南界豐鎮

甯遠二廳又東卽懷荒也在張家口邊外入塞關從大甯西北

行百里至懷荒鎮禦夷為最東濡水所源卽灤河也

在今承德府境水經注濡水出禦夷鎮東南通鑑注謂六鎮東西

千里相距各一百七十許里者是也孝文遷都洛陽

於故都置恆州又分置燕州而塞外城鎮如故此本

治也孝昌之初柔元鎮人社洛周反於上谷六鎮繼

亂恆代以北並為邱墟流民南徙乃於幽并二州分

置郡縣以處此僑治也當時蔚州自為代縣又別為

東代郡列傳李元英為東代郡太守隸司州遷洛後置昌平郡與

西南廣靈並隸燕州天鎮雖置縣無考而據水經注

有琦城和堆城石虎城三會城羅亭託台亭皆在高

柳東境大抵與陽高同為畿內郡縣前隸司州後隸

恆州者也若禦夷懷荒二鎮改置之蔚州地形志謂
奇治并州鄆縣界隋志在西河郡之平遙所領三郡
七縣於古無徵其民則流人也其地則客土也烏得
以與後周所置之州名稱偶同而誣古代爲荒戍更
波及於其鄰邑乎又案舊志天鎮隋爲玉泉驛新平
碑角古碑村名爲驛名然猶其小失茲擇其有闕地
理者並加辨證縣志又引路史延陵有五其一在代
趙襄子有謀臣延陵生孝成王時有延陵鈞皆季札
之後蓋越滅吳後其城北徙襄子方定代國處之代
北其先以地爲氏其後以氏名地漢因之以置縣其
說甚新附存之爲代北故實焉

縣城

明洪武三十一年因舊城築周九里十三步高三丈

五尺池深二丈門四東曰泰定南曰迎喧西曰武甯北曰鎮

遠萬曆十三年重修增高一尺基厚四丈八尺頂厚二丈八

尺女牆高七尺堞口七百二十城外各建月城上各建樓東

南別建角樓爲文昌閣四周共窩鋪二十五間

國朝乾隆十年發款重修

縣境 在府東北一百八十里

東西踰七十里南北袤一百七十三里

東至直隸宣化府懷安縣界枳兒嶺三十里懷安縣治六十里 西至陽高縣界徐家屯三十五里陽高縣治六十里

南至直隸宣化府西南縣界牛灣莊五十里至廣靈縣界一百一十三里 北至邊牆二十里少東至新平堡六十里接

豐鎮廳頭道營南灣界 東南到懷安縣界筆鋒山五十里

到西南縣界八十里 西南到陽高縣界四十里到廣靈縣

界火燒嶺一百一十三里 東北到懷安縣界李信屯四十

五里 西北到陽高縣界席家灣二十里

邊牆 西起駝巖墩陽高縣界東北至新平堡犂牛兒墩
入直隸懷安縣東陽河堡界經縣北境八十五里

鄉鎮

北鄉新平堡六十里

東鄉枳兒嶺四十里

軍站

天城站

極衝

在縣治東西至陽高縣陽和站六十里

東至直隸懷安縣懷安站八十里見額馬四十匹馬夫二十
名廠夫二十名

塘站

枳兒嶺

新塘

東至直隸懷安站四十里西至天城站

四十里

天城站

新塘

西至陽高縣三十里鋪三十里 二

塘各設馬十二匹馬夫六名

舖遞

總舖在城

西路二十里鋪三十里鋪

接陽高縣界

東

路張西河底

二十里

枳兒嶺

四十里接直隸懷安縣界

道徑

東至直隸懷安縣枳兒嶺三十里南至西南縣牛灣

莊五十里又至廣靈縣一百十三里爲孔道西南至陽高縣東井集九十里正北至瓦崙口三十里至新平堡七十里爲小徑

廣靈縣 簡缺

周春秋代國地戰國屬趙爲平舒邑漢平舒縣兼猗氏縣地隸代郡後漢仍爲二縣晉猗氏省平舒仍隸代郡後屬燕慕容儁爲匈奴降部所居北魏隸司州代尹爲畿內縣太和中改隸燕州昌平郡天平中寄治幽州軍都城隸東燕州上谷郡仍爲平舒縣北齊廢隋雁門郡靈邱縣地唐蔚州靈邱縣地遼統和十三年始析蔚州治之靈仙縣西境及靈邱縣之北境置廣靈縣屬焉遼志作廣陵金仍隸西京路蔚州忠順軍元下隸上都路宣德府蔚州明蔚州改隸大同府縣屬州如故

國朝因之雍正六年改蔚州隸直隸宣化府縣仍隸大同府編戶舊九里今八里

水經注祁夷水出平舒縣東逕平舒縣之故城南史記趙

孝成王十九年以汾門子燕易平舒徐廣曰平舒在代王

莽更名之曰平葆後漢世祖建武七年封揚武將軍馬成

爲侯國魏土地記曰代城西九十里有平舒城縣志平水鎮在縣西

十里案平水之謠俗音水同舒也又灤水東逕猗氏縣故

城北王莽更名之曰猗聚也十三州志曰縣在高柳南百

三十里俗謂苦力干城矣漢志孟康曰猗氏音籠精地

形志東燕州太和中分恆州東部置燕州孝昌中陷天平

中領流民置寄治幽州軍都城領郡三昌平郡縣二萬言

昌平上谷郡縣二平舒居庸並天平中置方輿紀要晉平舒

縣仍屬代郡升平初匈奴單于賀賴頭率其部落降慕容
僞處之代郡平舒城是也

謹案漢志勃海郡東平舒師古曰代郡有平舒故此

加東

今順天大城縣

似燕趙易地馬成食封皆當在彼若此

地則近居代域安陽君之封當其北武靈王之墓在
其南燕無從先有之也東漢之初代郡爲盧芳所據
建武二十七年始復置郡縣安得於七年已爲侯國
其在東平舒審矣而酈道元及史漢注並以其事屬
之代郡茲姑從之舊志以縣在北魏爲禦夷懷荒二
鎮地固謬府志以縣西莎泉爲祁夷水所源定爲北
靈邱郡莎泉縣地近是然水經注莎泉祁夷二水並
非同源且平舒明見地形志漢晉以來相承不改不

得因其僑治沒其本名也據志縣屬上谷郡今知爲先屬昌平郡者北史房謨傳正光末厯位昌平代郡太守及六鎮亂率郡人入九蟬山結壘拒守時外無救援乃率所部奔中山朝廷以爲假燕州事云昌平郡在故代城北六十里爲祁夷水所經據水經注甯界齊州西九蟬山今俗名九層山縣志在城東北二十

五里是當時郡所領之縣皆陷乃徙治於平舒地及

其地不守始度關而南僑治軍都改燕州曰東燕治

昌平郡地形志作平昌隋志同茲據水經注而以平舒改隸上谷郡也

吳水經注燕州治廣甯縣所領郡有廣甯大甯上谷昌平並大和中置地形志止昌平上谷偏城三郡也

又案遼史本紀統和十三年正月甲寅分置廣靈

縣而地理志則云唐同光三年置金志又云統和三

年置以史文核之本紀是也統和三年爲宋雍熙二年其明年宋師伐遼連陷雲朔襄應四州又降蔚靈及靈邱飛狐二縣廣靈正當兵衝其時如已置縣不應無一字言及今檢宋史荆嗣傳言嗣入遼境戰飛狐口屯土嶺克倉頭又與裨將黃明克直峪石門二砦據縣志直峪在縣南十五里石門在縣西三十里土嶺在石門內倉頭今槍頭在縣西二十里飛狐口則今蔚州南三十里之北口也不言爲某州某縣者以出飛狐口皆爲蔚地也豈非廣靈未置縣之明證乎遼史抵牾又書靈爲陵謬以漢延陵當之金史統和下脫寫十字又從遼志以爲析興唐置亦不合興唐自石晉時已改靈仙且唐志靈邱有直谷關今縣

南四十里卽界靈邱是爾時置縣兼有靈邱地不止
析自靈仙也

縣城 明洪武十六年因舊城重修天順間增築周三里一
百八十步高三丈六尺建敵臺十二各設窩鋪門二南曰景
陽北曰永安池深三丈外各置懸橋宏治八年建南北層樓
嘉靖隆慶間相繼修葺萬曆二年輒登全城石基三尺輒入
巨聯垣高四丈女牆七尺門樓二角樓四敵臺八上置舖舍
濠深三丈廣稱之崇禎十三年築護門甬臺二座

國朝順治六年姜瓖之變知縣范發愚修繕城垣竭力捍禦
城賴以全

縣境 在府東南二百四十里

東西廣八十里南北袤八十里

東至直隸蔚州界西馬莊二十七里

縣志作東至蔚州石橋溝界二十五里石橋溝

一作暖泉川

少南至蔚州治五十里

西至渾源州界分水嶺六

十里渾源州治一百二十里南至靈邱縣界義泉嶺四十

里靈邱縣治八十里北至天鎮縣界夾石溝口四十里

錄北至火燒嶺五十里

天鎮縣治一百四十里東南到蔚州北口七

十里到廣昌縣治一百六十里西南到渾源州界六十里

到靈邱縣漫山村七十里到平刑關一百四十里東北到

直隸宣化府西甯縣界四十里到西甯縣治八十里西北

到天鎮縣火燒嶺口界六十里到陽高縣治二百里

鄉鎮 東嘉順鄉焦山砦二十里西平水鄉平水鎮十里南

安流鄉北靜樂鄉

驛站 馬廠在縣城西至渾源州上盤驛一百里見額馬

六匹馬夫三名

鋪遞 總舖在城

西路平水

里十南村

五里

趙家坪

四十望

孤

五十五里又二十里接渾源州界

南路塔兒村

三十里

又三十里接靈石縣界 舊志有邱家

泉董家洗馬諸舖

道徑

西出平水城經南村過趙家坪及望狐嶺凡七十里

至渾源州屬鸞嶺關南由塔兒村凡六十里至靈邱縣屬馬

頭關背孔道實山徑也

靈邱縣

簡缺衝

漢置靈邱縣屬代郡因趙武靈墓故名東漢光和元年別屬

中山國

水經注從中山相祿吳之請也

尋省後魏復置靈邱縣並郡隸司州

太和十一年改北靈邱郡領靈邱沙泉二縣仍

隸恆州寄治秀容郡城北齊遷故治省沙泉縣入焉北周從

蔚州又立大昌縣隋開皇三年北靈邱郡廢縣屬蔚州併大昌入焉大業三年蔚州廢縣隸雁門郡唐中初入突厥武德四年平劉武周六年復置靈邱縣隸蔚州寄治陽曲七年寄治繁峙八年寄治秀容貞觀五年復治故地爲蔚州治開元初於縣東北百三十里置安邊縣天寶元年罷州爲安邊郡徙治安邊縣卽今蔚州也至德二年改安邊縣曰興唐縣郡曰興唐郡縣並屬乾元元年復爲蔚州縣仍屬焉遼隸蔚州忠順軍金貞祐二年四月升成州四年割爲代州支郡元下復爲靈邱縣隸上都路宣德府蔚州至大元年升州爲蔚昌府尋復故縣並屬焉明隸大同府蔚州

國朝因之雍正六年改隸大同府編戶舊十里今九里

舊通志宋起鳳靈邱辨靈邱之見稱於孟氏注亦明釋

其爲齊下邑也按是邑在周慎靚王二年齊已命名以今輿地考之當隸山左其建置廢革山左屬邑自有成書不具論獨是疑者或謂今之邑其齊地之舊乎或謂邑之名同時有兩稱乎皆非也考周威烈王二十三年戊寅晉大夫魏斯趙籍韓虔三分晉地爲諸侯邑時爲趙西北邊尙未有邑在威烈王二十三年之前猶屬晉其明年屬趙明矣齊地之廣無逾趙之中山燕之易水而至雲中上谷間者是說也可以無辨而同時兩邑之議不容無言子輿賁蠆鼈之辭靈邱蓋慎靚王時齊有是邑趙固未嘗設也至周赧王八年甲寅趙始傳及武靈與肥義謀易服騎射雖中爲公子成謀止然數出境游微卒葬此終未置邑中問歷秦楚垂九十九年漢高

帝興乃於十一年乙己冬命太尉周勃入代擊陳豨豨乃奔此破其軍因有武靈之邱始置邑名焉由漢高潏周慎靚王相去凡一百一十有五年前此百餘歲而以靈邱獨顯者齊邑也後此百餘歲而以靈邱並著者漢邑也地隔千餘里世易四五姓名雖同而跡則異豈得以齊誣趙誣漢乎故不可無辨

謹案魏志靈邱北靈邱二郡並見俱天平中置特據亂後僑治之籍言之耳其實靈邱爲郡久見於遷洛以前帝紀太和六年詔言靈邱郡土旣褊瘠又諸州路衝食貨志靈邱郡以麻布充稅靈徵志太和九年六月司州靈邱隕霜延昌元年恆州之靈邱地震是其屬司州爲畿內郡甚明遷洛後改屬恆州孝昌亂

後又改北靈邱非新置郡亦甚明一統志謂在直隸
之西甯縣宣化府志謂卽今之蔚州皆泥於北之一
字以僑治爲本治不知當時八郡之民徙置一地衆
寡不一自不能無分析合併靈邱或別有徙置之區
二郡並立故加南北字以別之耳魏收於北靈邱之
縣詳注因革所領莎泉一縣亦見水經注爲縣西之
莎泉亭是其郡縣爲兩漢以來之故縣無可疑若西
甯蔚州自屬燕州之昌平郡爲萬言昌平二縣分恆
州東部置者天平時僑治軍都不可亂恆州燕州
之故疆亦不可以後來新置之蔚州蒙以前僑治之
二鎮地形志永安中改懷荒禦夷二鎮置蔚州寄治
并州之鄆縣界非後周所置之蔚州辨詳天鎮
下若隋唐蔚州天寶以前皆治靈邱以後始置今州

舊志亦復混淆茲據元和志及新舊唐書詳晰著之

蔚州志州在唐初爲靈邱飛狐二縣地故括地志諸書於古代城唐并山刺刺山皆云在飛狐由其時蔚州治在靈邱此

地未置縣也

縣城 唐開元年築周三里二百三十步高二丈池深一丈

明天順二年展築徙舊城南三十二步周五里高四丈雉堞高六尺池深一丈五尺廣倍之門二東曰迎恩西曰鎮魯正德三年重修建門樓嘉靖二十年隆慶元年再修高二丈八尺女牆五尺萬曆二十四年登以甃石高三丈五尺女牆七尺天啟六年地震城毀過半發帑重修城址仍舊高三丈止存一門

國朝順治十二年久雨城圯知縣宋起鳳修復並闢南門乾隆十二年知縣單思道三十七年知縣任謙並重修咸豐三

年南城圯四年知縣沈家振修復

縣境 在府東南二百七十里

東西廣八十里南北袤一百七十里

東至廣昌縣界馬嶺舖四十里廣昌縣治九十里 西至渾

源州界蔡家峪四十里 南至直隸正定府阜平縣界鐵嶺

口一百三十里阜平縣治二百里 北至廣靈縣界義泉嶺

四十里廣靈縣治八十里 東南到直隸保定府唐縣界二

百里唐縣治三百里 西南到平刑關六十里到代州繁峙

縣治二百一十里 東北到直隸宣化府蔚州界五十里蔚

州治一百二十里 西北到渾源州治一百五十里到大同

縣界二百一十里

鄉鎮 東鄉三山集

四十里

西鄉東河南鎮

三十里

趙壁集

十四里

下關鎮九十里上寨集五十里

太白驛

府衙

在縣治西至繁峙縣平刑站六十里

至直隸廣昌縣香山驛九十里見額馬十二匹馬夫六名

舖遞

西路堂子窪

十五里

鼓子河

二十五里

東河南

三十里

蔡家峪

四十五里又十里接渾源州界

北路

白家嘴

三十里

馮家溝

四十里接廣靈縣界舊志有駱

駝山義泉

東路固城

八里召柏里三十里腰站四十里接直隸廣昌縣界

東路

固城

八里

召柏

里三十里

腰站

四十里

接直隸廣昌縣界

道徑

東由固城經二舖凡五十八里至直隸易州廣昌縣

屬紅泉子舖西南由堂子窪經三舖凡六十九里至渾源州

屬湯頭灣又西南由小寨至代州繁峙縣屬平刑關西北由

白家嘴凡五十七里至廣靈縣屬塔兒村路均名孔道而危

險難行皆山徑也

右大同府

朔平府

要缺
衝繁難

協鎮殺虎口兼轄雁門等關副將駐殺虎口堡

禹貢冀州之域三代訖戰國並同大同府秦置雁門郡有武州塞及馬邑縣漢初封韓王信於晉陽徙都馬邑後仍置雁門郡屬并州領縣十四爲善無中陵陰館武州馬邑五縣地郡治善無卽今府東南五十里之古城也後漢建武中以盧芳之亂廢郡徙其民於常山關以東其時定襄郡民亦徙入西河二十七年太尉趙熹典邊事請復綏邊諸郡乃移雁門郡治陰館領縣十四武州馬邑仍屬而以善無爲定襄郡治領縣五以雁門舊屬之中陵改隸焉漢末荒廢建安十八年省并州入冀州二十年於太原界置新興郡併定襄郡之五縣爲定襄縣往隸其雁門郡亦於魏文帝黃初元年移治句

注陘南之廣武自陘以北並棄之晉復置并州馬邑陰館還
屬雁門建興元年陘北之地並歸代公猗盧其後遂屬北魏
道武天興元年徙都平城定畿內田西及善無南極陰館北
盡參合參合卽府北舊屬之甯遠廳也獻文皇興三年立平
齊郡及所領二縣於下館卽陰館故城也孝文遷洛屬恆州
爲善無郡之善無及代郡之武州二縣地其西南境別爲北
秀容地天平二年恆州寄治秀容郡城郡縣並南徙東魏武
定三年始置新城縣隸武州吐京郡北齊天保六年始遷朔
州於新城尋治馬邑爲北道行臺領廣安廣甯諸郡亦曰北
朔州又於北魏故都置北恆州領安遠臨塞威遠臨陽諸郡
府治當在內而莫知其詳後周建德六年齊平諸郡多廢於
朔州置總管府隋大業二年廢總管府改朔州爲代郡尋曰

馬邑郡領四縣爲鄯陽雲內二縣地唐朔州領鄯陽馬邑二縣而置靜邊軍於今府治隸大同道爲雲州雲中縣地後唐升朔州爲振武軍又升馬邑爲寰州遼改振武爲順義軍隸西京道金仍爲節鎮州隸西京路元革軍號隸大同路領二縣如故由北齊迄元府境自朔州以北皆不置縣其地率隸大同之雲中故習稱爲雲西明洪武二十五年置定邊鎮朔二衛永樂元年並徙北直隸後軍都督府七年徙大同右衛治定邊故城左衛治鎮朔故城正統三年增置威遠衛於右衛之南十四年又徙邊外之玉林衛與右衛同治雲川衛與左衛同治成化十七年又置平魯衛於朔州北界其朔州自洪武初省鄯陽入州惟領馬邑一縣隸大同府而別置朔州衛與諸衛並隸於行都司設分守分巡二道駐州城及左雲

右衛

國朝因之順治四年併分守道於左衛兵備道康熙元年裁
三十三年設駐防將軍於右玉林衛城又置驛傳道尋裁歸
雁平道雍正三年於衛置朔平府並置右玉縣爲府治改左
雲平魯二衛爲左雲縣平魯縣以大同府之朔州及所屬之
馬邑縣並邊外新設之歸化城理事廳同來屬乾隆二年移
將軍駐綏遠城六年以歸化廳隸歸綏道十五年併舊屬之
甯朔懷遠二所爲甯遠廳仍隸於府嘉慶元年裁馬邑縣併
入朔州爲鄒光緒十年改甯遠廳隸歸綏道於是領縣三州

右玉 朔州 左雲 平魯

府城一明洪武二十五年初設定邊衛築尋省永樂七年復

設右衛築完正統間以玉林衛內徙爲右玉林衛嘉靖四十五年重修萬曆三年毀以甃石周九里十三步高連女牆四丈二尺厚一丈五尺

國朝康熙間兩次增修雍正三年改右衛置朔平府七年發帑重修知府徐榮時劉士銘知縣陳有年董其事九年秋告成門四東曰和陽南曰永甯西曰武定北曰鎮朔上各建樓角樓三缺西南角敵台二十八梁口五百六十四守鋪八門外各有月城西月城近河築堤以固

府境 在省治西北六百七十里

東西廣二百四十里南北袤三百二十里

東至大同府大同縣界一百七十五里 西至清水河廳界邊牆七十里 南至甯武府甯武縣界二百九十五里 北

至甯遠廳界邊牆二十里 東南到大同府山陰縣界二百
七十里 西南到甯武府偏關縣界一百四十里 東北到
甯遠廳界邊牆一百七十里 西北到和林格爾廳界邊牆
三十里 自府治至

京師九百六十里

右玉縣

中缺
衛樂

漢善無縣爲雁門郡治後漢雁門郡南徙又爲定襄郡治漢
末郡廢建安二十年併所領五縣合爲定襄縣屬新興郡迄
魏晉不改在太原境非今府地後魏仍置善無縣初隸畿內
後於縣置善無郡兼領沃陽縣隸恆州天平中寄治秀容郡
郡縣並廢後齊爲北恆州地後周爲北朔州地隋馬邑郡之
北境定襄郡之南境唐爲雲州雲中縣地天寶中置靜邊軍

於善無古城之北卽今治也遼金並爲雲中縣地元省雲中
入大同又爲大同縣地明洪武二十六年置定邊衛永樂元
年廢七年徙大同右衛來治正統十四年徙玉林衛同治爲
右玉林衛統十三城堡左衛右衛二城殺虎破虎嶺山牛心
殘虎馬堡雲陽紅土黃土三屯馬營
河十堡爲大同中路又於其南五十里之淨水坪置威遠衛統
四城堡威遠城雲石威
平祁河三堡別爲威遠路並隸大同行都司

國朝因之雍正三年於右玉林衛置朔平府設附郭右玉縣
以威遠衛併入編戶六里

水經注中陵川水

詳平魯
縣下

其水又西北右合一水水出東

山北俗謂之貸敢山水又受名焉其水西北流注於中陵
水中陵水又西北逕善無縣故城西王莽之陰館也十三

州志曰舊定襄郡治地理志雁門郡治

一統志善無故城
在右玉縣南

敬山卽牛心山在縣東南四十五里其水俗名雙河西流
至威遠堡東入滄頭河卽古中陵川水也城在二水間西
南距平魯縣約七十里與十三州志善無縣南七十五里
有中陵城正合縣志東古城在縣東南五十里相傳漢明
妃居此以注核之漢縣距今
府城約四十里亦相近也
元和志雲州西至靜邊軍

一百八十里又擬武軍東南至靜邊軍一百二十里

軍治古定真城屬關內道在今和林格爾方輿紀要靜邊

城在大同西北唐天寶三載朔方節度王忠嗣所置軍也

十四載安祿山將高秀巖自大同軍寇振武朔方節度使

郭子儀擊敗之乘勝收靜邊軍賊來攻復大敗之因進閉

雲中使別將技馬邑同東陞又有定邊城在府西百八十五

里唐開元中置軍於此今有石窰白泊等城相去各四五十

二十里案今湖平大同相距二百里唐雲州在大同西北

其定邊城距大同里數相同或卽府東南五

十里之東古城也明初建定邊衛似襄其名

謹案舊志謂縣爲漢雲中槓陵東南境定襄郡定襄
東境魏晉胥隸新興郡北魏懷朔武川二鎮南境府
境在漢與定襄郡界不連雲中且兩漢定襄郡縣異

治前漢定襄郡治成樂爲今和林格爾定襄縣當在其東後漢郡治善無正今府治其定襄縣別屬雲中魏晉新興郡之定襄則今忻州之屬縣也皆不相涉至北魏懷朔武川二鎮爲今歸綏以北地入蒙古境矣去此尤遠

縣城 附郭

縣境 東西廣六十五里南北袤一百七十里

東至破虎堡邊牆五十里至左雲縣界石碑坡鋪六十五里
左雲縣治七十五里 西至和林格爾廳界邊牆二十里至平魯縣界七十里 南至左雲縣界六十五里至朔州界石壺村一百五十里 北少西至殺虎口二十里至口外甯遠廳治八十里和林格爾廳治一百四十里至歸化城二百六

十里 東南到大同府懷仁縣界南家堡一百六十里懷仁縣治二百二十里 西南到平魯縣界三層洞鋪九十五里平魯縣治一百一十五里 東北到甯遠廳界邊牆二十里到左雲縣界三屯堡五十三里 西北到和林格爾廳界邊牆十二里少西到清水河廳界邊牆三十里 巡檢司一在殺虎口一在威遠城

府學教授訓導在威遠城

邊牆 西南起平魯縣界大河堡東北至甯魯堡入左雲縣界經縣西境北境一百三十里

鄉鎮 北鄉殺虎堡

二十里其新堡名平集堡

南鄉威遠堡

五十里

西

南鄉鐵山堡

二十里雲石堡五十里

軍站 右玉站

極衝

在縣治東東至左雲站七十里北至殺

虎口二十里南至威遠站五十里見額馬五十四廠夫二十
名 威遠站 稍衝南至平魯縣平魯站六十里見設馬十六

匹馬夫八名

驛站

殺虎口站

衝

出口第一站

今裁歸口內右玉左雲高山樂四站

舖遞

總舖在城

東路紅土堡

十五里

黃土坡

三十里

牛心堡

四十里

雲陽堡

六十里

南路新廟

十五里

雙河屯

三十里

威遠堡

十五里

威平堡

七十里

道徑

東由南門至雲陽堡六十里又三里至左雲界石碑

坡南經梁家店三十里祁河二十里西南經威遠城五十里

北經馬營河十里至殺虎口八里孔道也東經八里莊八里

蹄窟嶺四十二里又三里至左雲界三屯堡東南經祁河岔

道至周道堡四十里偏嶺四十里又三十里至懷仁界南家

堡西南經楊于戶河十里鐵山堡二十里雲石堡二十里又十五里至平魯界阻虎堡東北經馬舖三十里破虎堡十里又三十里至左雲界甯魯堡小徑也

朔州

要缺
衛繁難

秦置馬邑縣屬雁門郡漢高帝七年封韓王信於晉陽徙都於此十一年復爲縣景帝後三年析樓煩鄉置陰館縣於句注山下並屬雁門郡後漢建武二十七年徙雁門郡治陰館領縣十四馬邑仍屬建安中郡縣荒廢魏黃初元年復徙郡南踰句注陘治廣武自陘以北並棄之晉遣以馬邑陰館二縣往屬永嘉四年劉琨表封猗盧爲代公以地歸之後魏道武定都平城爲畿內地皇興三年自桑乾郡之北新城徙平齊郡於陰館故城之西兼置懷甯歸安二縣孝文遷洛賜秀

容酋長爾朱代勤爵梁郡公後置梁郡城於今州北二十里
爲北秀容地東魏武定初又置新城縣於今州西南四十七
里屬武州之吐京郡而移平齊郡於雁門川改名齊郡爲武
州治北齊天保六年徙朔州治新城八年復徙治馬邑爲北
朔州置縣曰招遠郡曰廣安又移州舊屬之廣甯郡於平齊
故城後周置朔州總管府廢廣甯郡隋開皇初並廢廣安郡
大業元年總管府廢改招遠曰鄯陽罷朔州置代郡尋曰馬
邑郡領縣四唐復改朔州爲下州領鄯陽常甯二縣鄯陽爲
中縣武德四年省開陽縣入鄯陽開元五年析鄯陽東北三
十里置大同軍又置馬邑縣爲中縣隸朔州天寶元載改州
爲馬邑郡乾元元年復爲朔州建中中徙治馬邑後復故治
後唐同光初以代北之振武軍殘破徙治於州天成三年析

馬邑置寰州領寰清縣遼統和中州廢仍改寰清爲馬邑升朔州爲順義軍置節度使領鄯陽甯遠馬邑三縣宋宣和中得山後地置朔甯府尋屬金金仍爲順義軍節度領鄯陽馬邑廣武三縣貞祐二年升馬邑爲固州三年七月割廣武隸代州元爲下州屬大同路領縣二鄯陽爲下縣固州廢馬邑仍爲下縣至元四年省錄事司入焉明洪武二年省鄯陽縣入州領馬邑縣隸大同府十年置朔州衛於州城嘉靖中移分守冀北道駐焉

國朝因之康熙中裁守道雍正三年併衛入州改隸朔平府嘉慶元年馬邑縣裁併入州爲鄉編戶舊四里今並鄉爲八里

魏書慕容白曜傳皇興二年崔道固降乃徙二城民望於

下館朝廷置平齊郡懷甯歸安二縣以居之

秦崔道因傳云立平齊郡

於桑乾西北北新城後徙陰館陰館卽下館也隋志以平齊郡在雲內桑乾郡在鄆陽以水經注及魏書證之殊誤

說詳大同府山陰縣下爾朱榮傳高祖羽健居北秀容川登國初以

有功環所居割地三百里封之世爲領民酋長羽健孫代

勤高祖賜爵榮郡公卒子新興嗣肅宗時以年老啟請傳

爵於榮隋圖經梁郡鄆陽北二十里卽爾朱榮所居太平

朔州云云詳見甯武府隋書帝紀大業十三年二月劉武周破虎

賁郎王智辨於桑乾鎮方輿紀要桑乾城在州東隋志後

郡廢爲桑乾鎮或曰廣南城在桑乾郡後齊改置廣南後周

郡屬朔州領石門中川二縣孝昌以來寄治并州界後齊

蓋因舊名改桑乾爲廣南云案王智辨討劉武周於桑

乾鎮陳孝意傳作戰於下館城是一地也惟因隋氏置鎮

而遂謂爲後魏之桑乾郡則與魏書紀傳及水經注不合

今以諸書參證知後魏之平齊北齊之廣南隋之桑乾並

爲漢之陰館故縣地在今山東南七十里

之下闕城其桑乾郡則在今山陰縣北云

地形志武州武定元年置治雁門川三年始立州城領郡

三吐京郡領縣二吐京新城齊郡州治領縣二昌國安平

案太平記武州在代州西六十里州與所屬之崞縣相距

正六十里故城當在縣北矣吐京蓋土障之同名今盤道

城七十里詳見甯武府及崞縣下太平記漢末大亂

匈奴侵邊自定襄以西雲中雁門之間遂空建安末武帝

北征集荒郡之人又立馬邑縣屬新興郡晉改屬雁門郡

率漢晉春秋新興郡為定襄雲中五原朔方上郡五郡之

地無雁門似當時惟桑乾以北之縣皆廢郡治以近塞向

存故地志以代州西南之平城為魏武所置而雁門郡至

文帝始徙雁南馬邑為郡附近之縣當與郡同時徙無由

舍雁門而屬新興也晉亂其地為猗盧所據懷帝時劉琨表猗盧為

大單于封代公徙馬邑縣卽其地案猗盧都平城非馬邑

邑郡而謀故通典亦相沿以馬邑當緣隋時平城地屬馬

琨徙五縣地以與猗盧為馬邑陰館樓煩繁時崞而晉地

理志雁門郡所領後魏都代地卽今郡屬畿內孝文遷洛

入縣又無陰館

之後又於今州北三百八十里定襄故城置朔州領盛樂

廣牧二縣葛榮之亂又廢案此亦未確地形志朔州下云

後改爲懷朔孝昌中改爲州雲州下云舊置朔州此所云

盛樂廣牧二縣雲州有盛樂郡而非縣朔州有廣牧縣而

次於最末豈當時朔州實後來之二州地耶惟周隋以前

皆以州領郡以郡領縣無直以縣隸州者似二縣字乃二

郡之誤也又考魏書帝紀太和十八年七月車駕北巡辛

亥幸朔州八月甲辰行幸陰山癸亥幸懷朔鎮似置朔州

在遷洛前列傳司馬楚之爲雲中高齊天保六年又於今

州西南四十七里新城置朔州八年仍移於馬邑城卽今

城也 又志馬邑縣唐貞觀已來爲大同軍其地入都陽

縣理至開元五年分都陽縣東三十里置大同軍以戍邊

復於軍內置馬邑縣徵舊名也案唐書地理志雁門北有

年日神武軍天授二年日平狄軍大足元年復更名其西

有天安軍天寶十二載置又有代北軍永泰元年置又元

和志調露中突厥南侵裴行儉於代州北三百里間置大

同軍管兵九千五百人馬五千五百匹考代州北三百里

西雲州也實爲大同得名之始蓋調露中既改朔州之軍
爲神武權移大同軍於彼至天寶初改雲中郡爲大同節
度而朔州之軍始廢其天安代北二建中年間河陽節度
軍據唐志亦嘗在州境今不可考矣馬燧權移州於馬邑郡

方輿紀要五代志後齊置朔州於馬邑亦謂之北朔州控
禦突厥士卒強勇爲齊重鎮武平七年周師克平陽齊主
攻圍不克敗奔晉陽欲向北朔州是也

代州志宋寰宇記引河東記云始皇十三年移樓煩郡
於善無縣今句注山北下館城是也誤以樓煩鄉爲樓

煩郡以下館善無爲一地蓋緣王莽曾改善無爲陰館

名稱混淆記載遂相參錯案漢志陰館故樓煩鄉景帝
後三年置記既誤鄉爲郡又

漢景帝後三年爲始皇十三年又以王莽之陰館率合
爲一也舊通志謂朔州漢馬邑善無二縣地似沿其謬

又案金地理志西京道下云貞祐三年七月割朔州之

廣武縣隸代州而不詳其縣之山川及建置之始然屬朔州則明在關外爲今州北六十里之廣武城無疑明洪武於其東別置廣武營城土人名爲新廣武而以金故縣爲舊廣武不知者遂以爲漢高城婁敬處通志謂廣武舊站卽北魏所徙郡治失於舍近徵遠而一統志又謂金故縣在崞縣南四十里以石晉之唐林當朔州之崞邑尤誤

案廣武故縣在古陰館東五里蓋金時析馬邑縣所置者

謹案朔州始置於北魏太武凡四徙而爲今州其本治爲漢五原地在今烏刺特蒙古境魏書沿邊列置六鎮懷朔初爲朔州鎮是也後不知何時移治定襄故城在今和林格爾廳地形志雲州舊置朔州太平記朔州領盛樂廣牧二縣是也孝昌之際雲州繼陷

寄治并州界在今壽陽縣西北地形志朔州領大安
廣甯神武太平附化五郡十三縣是也東魏之初又
分置於西河郡界在今介休縣南元和志孝靜立南
朔州遷朔州軍人鎮之是也至北齊文宣始遷於今
州爲北道行臺後周廢南朔州於此置總管府陘嶺
以北悉爲所隸隋氏改馬邑郡所領四縣自靈邱別
屬外得今大朔甯三府全境唐以後率爲節鎮雲朔
並稱明猶州衛兼置今直爲散州則邊腹之形勢異
也

州城 卽古馬邑也秦始建晉太康地記云秦人築城於武
州塞城將成而崩數矣有馬步一地周旋反覆父老異之依
以築城城乃不崩遂名馬邑原城基九里十三步元至正末

省去西北築東南一隅以便備守工未竟明洪武三年修完
二十年甄瑗高三丈六尺堞高六尺頂闊四丈基闊八丈周
一千二百六十丈堽口三千一百三十五池深三丈五尺闊
十六丈周一千六百八十丈甕城四各周一百三十八丈敵
樓一十二角樓四舖舍二十四煙墩四門四東曰文德南曰
承恩西曰武定北曰鎮塞上各有樓萬厯間重修築內外牆
國朝順治六年北城爲礮衝毀城樓亦圯旋補葺如初

馬邑鄉城 唐開元中析鄯陽東三十里置今城明洪武十
六年朔州指揮孫昭重建正統二年武安侯鄭亨展築隆慶
六年甄瑗以石爲基高三丈四尺女牆高六尺周六百四十
丈角樓四舖舍十二敵臺二十四東西二門外各有月城
國朝康熙三十二年邑人中書霍之瑄侍郎田喜霖捐資補

修到十一年西魏城圯知縣秦擴倡修故紳霍之瑄妻盧孺人捐資以助命子霍焯薰其役

州境 在府南二百四十里

東西廣一百四十里南北袤一百二十里

州志表二百里

東至大同府山陰縣界新興舖八十里山陰縣治一百里

西至甯武府神池縣界利民堡六十里

州志作壽參川

神池縣治一

百二十里 南至甯武府甯武縣界陽方口六十里代州崞

縣界段家舖七十里少東至崞縣治一百三十里 北至平

魯縣井坪所界下窰子三十里井坪所六十里至右玉縣界

馬家河一百三十里右玉縣治二百四十里 東南到代州

界廣武站八十里代州治一百四十里 西南到甯武府神

池縣界神池口六十里到甯武縣治九十里 東北到山陰

縣界泥河七十里 西北到平魯縣界劉家口五十里甯武府偏關縣界鴨子坪一百三十里到平魯縣治一百二十里到偏關縣老營堡一百三十里

馬邑鄉在州東三十里北距府二百四十里

鄉學訓導在鄉城

邊牆 內邊北起神池縣界莜麥川南至神池口復入神池縣界經州西境二十餘里又西起甯武縣陽方口界東至野豬窠入代州界經州南境三十餘里

驛站 廣武驛

次衝

在馬邑城北至山陰驛七十里西至青

圪塔站八十里見額馬三十四匹馬夫十七名廠夫二十名

塘站 上西河

新塘

東至山陰縣岱岳站四十里西至馬邑

站四十里 馬邑站

新塘

西至南關站三十里 南關站

新

塘西至梨園頭三十里 梨園頭站 舊塘 西至青圪塔三十

里 青圪塔 舊塘 西至神池縣大水口站三十里新塘各設

馬十二匹馬夫六名舊塘共設馬四十匹馬夫二十名

舖遞 總舖在城 東路煙墩 二十里 南路前寨 二十一里 北

路劉家口 二十五里

道徑 東經十里舖二十里舖煙墩村野場村凡一百一十

里至山陰灰河界東南山西村院七里至辛家莊二十二里

又四十里至代州界廣武舖南經油房頭金城屯前寨村梨

園頭青圪塔舖沙河子凡一百七十里胥平川又五里至陽

方口西南由岔道經西韜村六十里至大水口西經曹沙會

高家莊魚渠嶺越石盤安子坪一百二十五里至利民堡西

北由邢家河小村兒舖至平魯劉家口界五十五里東北由

野場岔道至馬邑鄉八里墩三十二里又經霍家營陸家莊四十里至山陰縣察罕村胥孔道也西南由油房頭經井子窰中正坡至大水口西北經塊子坪門家嶺邊家莊上水頭胥土坡通西北要道

左雲縣

高缺街

秦武州塞地漢爲武州縣治隸雁門郡王莽改曰桓州後漢徙治於善無縣西南百五十里仍隸雁門郡而故縣爲同郡之平城及定襄郡之善無兩縣地後魏都不城爲畿內地遷洛後以故都爲恒州代郡仍置武州縣屬焉而詭州爲周後齊爲北恒州地後周爲北朔州地隋馬邑郡雲內縣之西境唐雲州雲中縣地遼析雲中置德州兼爲宣德縣地金省德州改宣德爲宣甯與雲中並隸西京路元初亦雲中宣甯二

縣地至元二年省雲中入大同而習稱仍爲雲西明洪武四年置大同都衛治白羊城卽今治也八年改都衛爲行都指揮使司二十五年徙治大同復置鎮朔衛於此明史二十六年二月置永樂元年廢七年徙大同左衛來治正統十四年又徙雲川衛同治爲左雲川衛隸行都司軍事屬大同中路嘉靖二十四年又於廢宣甯縣地設助馬路九堡爲大同北西路而置兵備道於衛城以二路隸焉

國朝因之雍正三年改衛爲左雲縣隸朔平府以北西路九堡併入編戶六里

水經注如渾水

今大同府御河

又南與武州川水會水出縣西南

山下二源翼導俱發一山東北流合成一川

今寥家河出縣東南西流

至縣西南與溫泉合北流逕武州縣故城西王莽之桓州也又東北

右合黃水水出黃阜下東北流

今縣西北二里孤山泉

聖山之水注

焉

今縣北龍泉

水出西山東流注於黃水黃水又東注武州川

大同府志元史地理志大同倚郭至元二年省西縣入

焉案元時大同路無雲中縣則西縣當指雲中卽今左

雲以西地所謂雲西也

案雲中故縣在大同府西北二里

年春次太原關大同劉急遂出雁門至馬邑敗其游兵

造至白楊門擒西大王天而雪已駐營令伐前五里阻

水爲固云云明志大同都司治白羊城蓋卽

白楊門也文忠阻水立營亦當是武周川

謹案武州塞爲今朔平全境晉地道記秦人築城武

州塞內名馬邑城此在府南魏土地記平城西三十

里有武州塞口此在府東水經注羊水出平城縣之

西苑外武州塞此在府北漢元光二年王恢誘匈奴

入馬邑遂入武州塞是也遼史以爲趙惠文王置塞

雖無可徵要其立縣不始於漢而自東漢縣城南徙
歷代不復經營城邑之可考者寥寥也舊志以縣在
漢爲陶林沃陽馬邑三縣境北魏爲善無沃陽參合
三縣地無大參差而竟不知卽爲武州故縣又謂唐
會昌中於北齊紫河鎮置宣德縣左雲地得其半案
以宣德爲唐置遼志云爾其故城在大同西北八十
里之拒牆堡界連助馬路卽金元之宣甯縣也亦非
隋紫河鎮

縣城 明洪武二十五年築初設鎮朔衛旋省永樂七年設
左衛始完築正統間以雲川衛內徙爲左雲川衛始甃甃周
十里一百二十步高三丈五尺池深二丈門三南曰拱辰西
曰靖遠北曰控朔東倚山岡上建樓以便眺望外各建月城

舖舍五十嘉靖間重修萬曆間增修

縣境 在府東七十五里

東西廣一百里南北袤九十里

東至大同府大同縣界黑磁窰舖九十五里大同縣治一百二十里 西至右玉縣界黑圪塔舖一十五里右玉縣治七十五里 南至大同府懷仁縣界大峪口舖七十二里懷仁縣治一百一十里 北至崞遠廳界三十里 東南到大同懷仁二縣界磨石澗村五十里 西南到右玉縣界九座墳舖三十三里到平魯縣界五十里到威遠城六十里 東北到邊牆九十里到大同縣拒牆堡界助馬路拒門堡一百二十里 西北到右玉縣界陳家窰村四十里

邊牆 西起右玉縣界崞魯堡東北至拒門堡入大同縣界

經縣北境一百五里

鄉鎮 東鄉高山城六十里 助馬堡一百里

車站 左雲站極南 在城內西至右玉縣右玉站七十里東

至高山站六十里見額馬四十四馬夫二十名廠夫二十名

高山站極南 東至大同站六十里見額馬四十四馬夫二

十名

舖遞 東路十里舖二十里舖水泉三十里 金莊四十里 雲西五十

里 高山城六十里 雲岡七十里 西南路陘八嶺十里 西北路西

十里舖 東南路吳家窰四十里

道徑 東至油房溝九十里又五里達大同青磁窰舖南至

吳家窰六十里又十二里達懷仁大峪口舖西南達威遠城

九座墳舖三十三里西達右玉黑圪塔舖十五里北經三屯

堡前十八里至甯魯堡鋪外長城東北經瓦窰村前二十五里迤東北至威魯堡又至助馬堡拒門堡達大同拒牆堡胥孔道也東南經磨石澗五十里達大同懷仁二縣界小徑也

平魯縣

簡缺街

秦武州基地漢置中陵縣隸雁門郡王莽改曰遮害後漢建武二十七年改隸定襄郡又徙武州縣於中陵西南七十五里隸雁門郡漢末並廢建安二十年併中陵入定襄南徙隸新興郡訖魏晉皆不置縣後魏爲畿內地後屬善無郡爲善無縣之南境齊周並屬朔州隋馬邑郡鄯陽縣地唐置保大柵於鄯陽西北會昌中爲回鶻降人所居遼金爲朔武二州之北境甯遠州之東境元仍爲朔州鄯陽武州甯遠二縣地

元甯遠州割其半入武州

明成化十七年置平魯衛於大同城嘉靖中

徙治老軍營卽今怡也統四城堡

衛城及迎恩
虎阻虎三堡

爲大同西

路又置井坪所於衛南六十里統十城堡

湖州馬邑山陰
州懷仁五城井坪

及乃河滅虎將別爲井坪路

軍合西安五堡

國朝因之雍正三年改平魯縣隸朔平府以井坪四堡併入

編戶不設里甲分爲五所

水經注中陵川水出中陵縣西南山下東北流逕中陵縣

故城東北俗謂之北右突城王莽之遮簪也十三州志曰

善無縣南七十五里有中陵縣世祖建武二十五年置

案

滄頭河出縣東南北流入城自城東北流三十里入右玉

縣界合兔毛河出淺爲紅河卽紫河也隋志定襄郡大利

縣有陰山紫河通典紫河自馬邑郡鄯陽縣流入竟杜所

云卽中陵川水唐時地屬鄯陽也以今水道核之則漢中

陵故縣在今又注河水又南太羅水注之水源上承樹

城稍東北矣
額河南流西轉逕武州縣故城南十三州志曰武州縣在

善無城西南百五十里北俗謂之太羅城

案榭頽水今榭溪河出縣西五

十里烏龍山西北出邊入清水河府界太羅水今關河出

烏龍山西南穿內邊入偏關縣界武州改城距善無百

五十里則去中陵亦七十五里在平魯偏關二縣境矣

方輿紀要保大柵在朔州西北唐會昌三年回鶻將盟沒
思來降賜姓名李思忠屯保大柵擊破回鶻烏介可汗兵
卽此

謹案後漢定襄郡所領五縣善無中陵舊屬雁門並
今府地其三縣並常在邊外一統志謂桐過在土默
特西南武成駱縣並在平魯西北時清水河未設廳
也若明史地理志平魯衛西北有雲內縣本元雲內
州又有平地縣則此二縣舊屬豐州平魯界連東勝
不接豐州與舊志所云後魏武川鎮東南境唐勝州

榆林縣東境者較其地望相去皆遠說詳歸綏道下

縣城

明初爲老軍營成化十七年設平魯衛始築土城周

六里三分高三丈女牆六尺厚四丈門三東曰東作南曰南訛西曰西成上各建樓外各爲月城北倚山爲固後建敵臺角樓四舖舍十五濠深一丈宏治十一年輒發東西二面墜慶萬厯間甃石包砌二十七年築南關土牆三十四年以山水淹沒民居用石砌濠南北長二百五十丈深一丈闊倍之設二水門以洩山水形勢頗峻民賴以安

縣境

在府西南一百一十五里

東西廣一百里南北袤八十里

東至右玉縣界劉虎獅子村三十里至左雲縣治一百二十里西至邊牆三十里至甯武府偏關縣界將軍會堡六十

里偏關縣治一百八十里 南至朔州界井坪堡細水梁舖
七十里朔州治一百二十里 北至右玉縣界三十里至邊
牆六十里 東南到左雲縣界二十八里到朔州界沙城村
三十里 西南到左雲縣界巡溝梁舖四十里到老營堡九
十里 東北到偏關縣界三層洞舖二十里到右玉縣治一
百一十五里 西北到邊牆五十里到大水口堡四十里
邊牆 西南起偏關縣界水泉營東北至雲石堡入右玉縣
界經縣西境一百五十里

鄉鎮 南鄉井坪城六十里 將軍會八十里 西鄉阻虎堡三十里

西北鄉大水堡四十里 西南鄉乃河堡六十里

軍站 平魯站次衝 在城北至右玉縣威遠站六十里南至

井坪站六十里見額馬三十五匹馬夫十七名半 井坪站

天衝 在井坪城南至朔州站六十里見額馬二十一匹馬夫
十名半

舖遞 總舖在城 東路朔州嶺十三里三層洞二十里 南路王

茅窰十里 大露莊二十里 交洞三十里 橋溝梁四十里 井坪六十里

道徑 東北由朔州嶺舖三層洞舖三十里至右玉縣界南

經大石槽舖大杆莊舖西水洞舖王冒窰舖郝家坡舖井坪

堡六十里至朔州界細水梁西經郝家窰舖山堡孔道也東

經張小村徐伏兒村四十里至右玉縣界劉虎獅子村東南

經東夾道村沙城村七十五里至朔州界咀家小峰西南經

小杆莊村紅溝村二十里至朔州界陡嘴村西經趙岔窰村

暖溝村阻虎堡滅虎堡將軍會堡共一百二里至偏關縣水泉

營紅門口西北經水泊寺村石莊村魏家窰村大河堡五十

里至邊牆北經毛家窰村達家窰村威虎堡九十里至邊牆
小徑也

右朔平府